

SAXEO, RAMABINDU

 Muñwe na muñwe o vha a tshi khou ḫanziela madekwana a ḥamusí, a tshi khou ḥea tshenzhemó khulwane dzo raloho. Huno zwa vhukuma ndí a diphina nga izwo zwíthu. Huno zwe vhonala unga muñwe na muñwe o vha e na tshipfi tshiṭuku tsha u seisa kha vhuṭanzi hawe.

² Huno ndí nga di engedza izwi kha hanga. Vhunga mufumakadzi wa mukhaṭadi o ṭoda u ḫanziela hu si kale, u ri, "Muḥulwane, naa ndí nga ḫanziela?"

Nda ri, "Itonu bvela phanda."

³ Huno a ri, "A—a—a thi zwine nda—zwine nda tea u vha zwone, huno—huno a—huno a thi zwine nda ṭoda u vha zwone," a ri, "fhedzi a thi zwe nda vha ndí tshi anzela u vha zwone, na nñe—vho."

⁴ Ngauralo zwenezwo ndí malugana na ndila ine nda pfa vhukati ha tshigwada tsho raloho. Nñe a thi zwine nda tea u vha zwone, kana zwine nda ṭoda u vha zwone, fhedzi, ndí ḫivha tshithu tshithihi, nne a thi zwe nda vha ndí tshi anzela u vha zwone. Huno ndí gidimela phanda he nda livha hone kha Mbidzo ya n̄ha.

⁵ Ndi zwavhudí nga maanda u vha fhano. Ro no vha na tshiñwe tsha zwifhinga zwavhudisa zwa vhuṭama na vharathu vhashu, n̄ha ngei Maricopa Valley, idzi vhege mbili dzo fhiraho. Nñe ndí tou vha na manzaranzara. Huno ro vhona Khotsi ashu wa Taḍulu a tshi ri itela zwíthu zwihulwane. Huno ri khou tou ita izwi u nga ri ita uri vhatu vha rabele, huno ri tshi lavhelela magumo mahulwane u da nga tshifhinga tsha iyi khuvhangano. Musi . . .

⁶ Ndo zwi pfa uri ndo vha ndí na pfanelo ya u da fhasi kha iyi khuvhangano, ndí na khonani yanga yavhudí, Mukomana Tony. Huno ndo humbela kararu, madekwana a ḥamusí, naa ni bula hani ilo dzina? Huno ndí—ndí tou sa kona u li wana. Huno ngauralo li tou vha "Tony," arali ilo lo luga. Ndi elekanya uri riñe a ri tevheli mulayo lwo kalulaho fhano, naho zwe ralo, ri ralo? Ni a ḫivha, izwo zwi nga u ofha Mudzimu. Ni a ḫivha, Bivhili yo amba, "Mudzimu ha na tshivhumbeo." Ngauralo a ri na tshiñwe tshivhumbeo-vho.

⁷ Ri tshi vhona zwíthu zwihulwane zwe Khotsi ashu wa Taḍulu a ri itela zwone ino vhege, ro takala nga maanda u da ngeno fhasi huno ra kovhekana idzi phaṭhutshedzo kha ino khuvhangano, na u swika hune ra tangana na vhañwe vharathu, na vhoinwi vhatu vha bvaho ngeno fhasi kha itshi tshipida tsha—tsha Arizona. Tshine, roṭhe ri a tshi

divha, ngeno fhasi, uri itsi ndi musanda. Ndo vha vhudza vhege yothe uri Phoenix ho vha hu tshi tou vha mukanoni wa Tucson, tshifhinga tshothe. Ni a vhona? A vha nga zwi tendi, fhedzi ri a vha tanganedza kha vhutama hashu. Izwi ndi, ngauri ri kule nthā. Vha tea u sedza nthā kha riñe, ni a vhona, ngeno nthā Tucson. Huno ngauralo vhoinwi nothe idani hangeno, huno ri do ya hangei huno ra dalela Phoenix zwino, vhege i daho, kana mafheloni a ino vhege, u itela itsi tshifhinga tsha vhutama ngei nthā.

⁸ Ro vha na tshithu tshihulwane tshe tsha vha tshi tshi khou yo bvelela ndi sa athu bva nga ulu lwendo. Ndi do tou takalela u dzhia fhedzi tshifhinga tsha zwikhathi zwi si gathi ngauri ndi elekanya uri zwi do vha na zwivhuya. Ndi . . .

⁹ Nga u enda miñwaha iyi yothe na u lingedza u ima vhukati, madzangano o fhambanaho na vhatu, Vhanna vha Bindu vha Vhakriste vho vha vha tshi nga fhethu ho vibvelaho kha nne, u tenda uri Mudzimu o ita nga malofha mathihi, tshaka dzothē. Huno ndi—ndi a zwi tenda hezwo. Ndi tenda uri vhatu Vhawe vha kha zwivhidzo zweþhe. Arali Ene e Mudzimu, Ndi Mudzimu wa lushaka lwoþhe lwa vhatu, Mudzimu wa tsiko. Huno Ene zwa vhukuma u a kona . . . Sedzani nnda kha dziphanga na dzithavha, inwi ni a kona u vhona zwine Å funa, ngauri U a Qibula kha tsiko Yawe. Huno ri kona u vhona uri hu na Mudzimu. Huno avha vhatu, Vhanna vha Bindu la Mafhundo-madifha O Dalaho, musi ndi tshi dzhena kha khuvhangano dzavho, ndi tshi vha ambela, zwenezwo zwi nñea tshifhinga tsha u swika hune nda amba na zwigwada zweþhe zweo fhambanaho, fhethu huthihi.

¹⁰ Ndo vha ndo vhidzelwa, zwine ra do zwi vhidza nga kuambele kwa shango, u imela Demos Shakarian. Inwi ni a diyha zwine—zwine izwo zwa vha tshidalatshanda. Fhedzi ndo vha ndi ngei Cincinnati maduvha a si gathi o fhiraho, na Khaladzi Shakarian, vhunga ndi tshi pfesesa, o itwa muaro. Mukomana Miner Arganbright, muñwe wa vhaofisiri, a ña tsini huno a ri, “Namela u ye u swika Cincinnati na nñe.”

¹¹ Nda ri, “Ndi na vhatu vha mañana vho edelaho hafha, vha bvaho hoþhe shangoni, vho edelaho kha zwibadela izwi na phera, vho lindelaho nñe uri ndi vha rabelele. Vho vha vho lindela mivhudzisano, khamusi vhañwe lwa miñwaha minzhi i no swika mivhili kana miraru, vho lindela, huno mafhedziselon i vha dzhena ngomu hafha.”

Huno a ri, “Zwo ralo, itonu ita miniti i si gathi na nñe.”

¹² Nda ri, “Zwo ralo, vhuragane vhu nga tshifhinga-de?” Ndi maela dzi no ñodou swika ñana na fumbili, ndi a humbulela, u bva hune nda dzula.

Huno a ri, “Zwo luga, vhu thoma i tshi ñoda u vha awara ya malo nthā ha tshithoma.”

¹³ Nda ri, “Zwo luga, ndi a ni vhudza. Ri do ya n̄tha nga itsho tshifhinga, i tshi ḥoda u rwa awara ya vhuṇa n̄tha ha tshithoma, huno ra swika henengei u itela vhuragane. Ndi do vhuya nga u t̄avhanya murahu benefha.”

¹⁴ Huno musi ndi tshi swika ngei n̄tha, Mukomana Shakarian o vha a siho. Huno nda dzhena. Ha pfi, “Zwezwo zwe ra vha ri tshi khou zwi ḥoda!” Huno ngauralo uvho vhusiku, nga tshiñwe tshifhinga, ndi tea u vhuya hayani.

¹⁵ Nga tshifhinga tshenetsho, ho vha hu na mushumeli wa Baphuthisi we a vha a tshi kha di bva u edela n̄tha ha shađa la Billy, murwa wanga, huno a ri, “Inwi a ni pfesesi, muñe wanga.” A ri, “Mufumakadzi wanga u khou fa.”

¹⁶ Huno a ri, “Zwo luga, mune wanga, musi baba vha tshi vhuya.” Ha pfi, “Ri a kombetshedzea kha avha vhathe, uri ri de.”

¹⁷ Ni a divha, mudubani wa thabelo, zwifhinga zwinzhi, hu tshi fhiriwa, huno khamusi hu nga vha u nekedza thabelo. Fhedzi inwi... Huno nga tshiñwe tshifhinga tsumbo i tsa fhasi u fhira iyo. Ni a vhona, Mudzimu u fhodza u ya nga maimele, huno hu nga di vha na tshiñwe tshithu vhutshiloni ha uyo muthu. Huno a thi londi uri dokotela u do vha nea mushonga mungafhani, vha nga si vhe na mutakalo u swika itsho tshithu tshi si tshe na tshikundisi.

¹⁸ Arali no dzhena ngomu ofisini ya dokotela huno na mu vhudza uri ni a lwala, huno na mu vhudza tsumbadwadze dzañu, huno o dzhaya, hu na khonadzeo ya uri u do ni nea ndayamushonga thukhu i re na tshivhulayavhutungu khayo, tsha luñwe lushaka, iñwe aspirini. Dokotela u khou lingedza fhedzi u ni sunda, nga itsho tshifhinga fhedzi, ngauri ha na tshifhinga. Dokotela wavhudži wa vhukuma, a sa athu ni nea mushonga, u do wana vhulwadze ha iyo tsumbo, nga hothe, u swika o no wanulusa tshe tsha vha tsho khakhea, zwenezwo a ni nea mushonga.

¹⁹ Huno nga zwiñwe zwifhinga ri wana vhathe vha tshi fhira kha iyi miduba ya thabelo, nn̄da kha dzitshaka, huno vha sokou gidima huno vha elekanya uri Murena u tea u vha fhodza nga tshenetsho tshifhinga. Fhedzi hu na tshiñwe tshithu khamusi fhasi ngomu benefho, huno ra dzula phanda ha Murena u swika itsho A tshi tshi dzumbulula, zwine itsho tsha vha zwone. Hu na tshiñwe tshithu tshi re na... Hu na—hu na tshiitisi tsha tshiñwe na tshiñwe. Huno ni tea u wana tshiitisi, u thoma, huno zwenezwo ni nga kona u wana tshire ni nga shumela khatsho.

²⁰ Huno uyu muthu muñuku a sokou dzulela u futelela. Huno nda dzhena nga matsheloni a tevhelaho i tshi ḥodou rwa awara ya vhuvhili n̄tha ha tshithoma. Huno i tshi ḥodou rwa ya vhuñanu, murwa wanga a mmbidza, huno a ri, “Naa vha a divha musidzana ane dzina a pfi Jean Dyer?”

Nda ri, "Jean Dyer, li pfala lo dowelea."

A ri, "O ri o vha a tshi anzela u vha lidzela piano."

²¹ "Oo," nda ri, "uyo a si Dok. Dyer, muari fhano, muari a divheaho Louisville?"

²² Ha pfi, "Uyo ndi—uyo ndi ene. Zwo ralo, nwananyana wawe Jean u khou fa ngei Saint Edwards Hospital ngei... kana Saint Anthony Hospital, kha ndi ri, Louisville." Huno ha pfi, "Munna wawe o edela henehfo zwīepisini duvha lōthe."

"Zwo ralo," nda ri, "zwo ralo, ndi do lingedza u zwi toredza ngomu namusi."

²³ Ha pfi, "Zwino, ha zwi divhi uri u na pfuko. Vha songo mu vhudza."

²⁴ Ngauralo, mafhedziseli, nga ilo duvha, musi ndi tshi swika ngei lufherani; mufumakadzi wavhuđi muswa.

²⁵ O vha a tshi nndidzela piano, kha...musi ndo vha ndi holoni khulu, he nda vhona vhatu vha ha Mukomana Allen, fhano madekwana a namusi. Mukomana Allen o sokou tuwa holoni khulu yeneyo nthihi Louisville. Iyo ndi Memorial Auditoriam. Huno Jean Dyer o vha e mulidzi wa piano ngei tshivhidzoni tsha Open Door, sinagogo ya kale. Huno ngauralo o vha o no vhona zwīwe zwithu zwhulwane zwe Murena Mudzimu a vha o no ita. A vhudza khotsi awe.

²⁶ Vhone vha tou ri, "Iyo ndi saikholodzhi kwae. Uyo munna u khou vhala fhedzi thalukanyo ya vhatu. Hu na... O sokou zwi humbulela izwo."

²⁷ A ri, "Baba, hu nga si vhe u humbulela tshifhinga tshiñwe na tshiñwe." Ni a vhona? Ha pfi, "Zwi nga si tou ralo."

"Zwo luga," vha ri, "Jean, hangwani izwo zwithu."

²⁸ Huno o vha o fulufhedziswa u maliwa nga mutukana wavyhudi we a vha a tshi khou ya vhufunzini ha Baphuthisi nga itsho tshifhinga. A maliwa huno a pfulutshela ngei Rockford, Illinois, he haya ha uyu mutukana ha vha hu hone. Huno nga iñwe ndila kana iñwe a lingedza u farelela kha vhutanzi hawe. Fhedzi mutukana a bva nga mushumo wa zwa shango, huno nga murahu ha tshifhinganyana a ḥodou ḫutshela kule ha Murena.

²⁹ Musidzana o vha e na vhulwadze ha tshi—tshisadzini. A ya hayani kha khotsi awe. Vho zwi divha uri u ḥoda muaro. O wana ngomu hawe tshi no vhidzwa...Huno a thi divhi dzina latsho la mishonga, fhedzi, ngauri ndi a zwi divha uri hu na madokotela mavhili o dzulaho hafha zwino. Ngauralo, tsho vha tshi tshi vhidzwa, vhunga, tshizwimbo tsha lutombo. Huno ndi... Nga ngomu, musi a tshi tshi bvisela nnda, u fanela u vha o tevhula zwiñwe zwatsho. Huno sele dzo vha dzi na phirela. Huno vha mu runga, vha mu nea ekisirei na dzilafho la vhulwadze.

³⁰ Ngauralo, musi a tshi swika hayani, a isa phanda na u vha na vhutungu na vhuleme.

³¹ Nga murahu ha nwaha, a vhuya u itela u bviswa ha mbumbelo ho vuledzeaho. Huno musi vho bvisa mirado, vha wana uri pfuko yo no pfukela kha lila likhulu nahone yo no di li tanganya lothe. Ho vha hu si na tshe tsha vha tshi tshi nga itwa. Vha lingedza ekisirei hafhu. A yo ngo shuma. Ngauralo vha sokou mu isa sibadela huno vha mu vhudza uri u tou vha na vhuleme vhu dzindelaho ha tshisadzini, huno vha khou lingedza u vhu fhodza. Huno musidzana o vha a tshi khou fa.

³² Munna wawe o vha a tshi zwi divha. Ngauralo a da huno o vha o no wana dziwe dza bugu dzanga, dze Jean a vha o no dzi vhala. Huno ngauralo a thoma u da sibadela, a tshi mu vhalela dzone.

³³ Huno musi ro dzhena uri ri mu rabelele, o vha a tshi khou mmbudza nga hazwo. Nda ri, "Jean, ndi mutukana wavhudzi." Huno a tho ngo toda u tendela... Ndi vhulunga tshiphiri, ngauri ndo zwi divha uri—uri o... Ho ngo zwi divha uri u na pfuko. Huno ngauralo, nga murahu ha maduvha mavhili, vho vha vha tshi khou yo vha na mu—muaro wa lila likhulwane. Ngauralo u dzhia...

³⁴ Vha sa athu isa musidzana ntha, zwo ralo, vha ntendela u da huno nda rabela nae. Nda mu dzenisa lufherani. Huno hu si kale ndo wana... Ho vha hu na muongi a sa tendi we a vha e mushumoni; e na vhaongi vhararu, madiso a awara tharu. Huno zwenezwo ro no kona u sunda muongi, huno ra mu bvisa lufherani, ngauralo bono la kona u bvelela, huno ra rabela nae lwa tshifhinganyana heneffo, huno nda mu vhona. U na mavhudzi matswu. O vha e na miywaha i todaho u swika ya furarurathi fhedzi. Mavhudzi matswu o vha o no vha mmvi. O vha o ima bononi.

³⁵ Nda ri, "Jean, zwino sedzani. Nne ndi khou yo fhulufhedzea zwa vhukuma kha inwi." Nda ri, "Inwi no vha mianganoni tshifhinga tshilapfu lwo edanaho u divha uri ndo vha ndi si nga ni vhudzi tshithu nga Dzina la Murena nnданi ha musi tsho vha tsho ralo." Nda ri, "Zwino, Jean, ni na pfuko."

A ri, "Ndo i humbulela, Mukomana Branham."

³⁶ Huno nda ri, "Uyo muaro, mbamatshelo, ndi muaro wa lila likhulu. Fhedzi, ni songo vhilaela. Ndo vhona, zwi bvaho ha Murena, ni khou yo vha na mutakalo." Huno a sokou pembela. Ngauralo nda ya hayani.

³⁷ Huno duvha li tevhelaho musi vho vha vha tshi khou yo ralo, nga murahu ha duvha, kha ndi ri, vho vha vha tshi khou yo mu dzhia u itela muaro wa lila likhulu nga ayo matsheloni, huno vho do tea u—vho do tea u lindela lwa miniti i si gathi nga murahu ha musi vho no mu itela ndugisel, na zwinwe-vho,

nahone o lugela u ḥuwa. Huno ho vha hu na... O vha e na vhudipfi ha misi vhune vhathu vha tea u vha naho nga itsho tshifhinga, huno vha mu isa bafarumu, huno a vha na u bvisa ho vuledzeaho, ha nomala. Dokotela a akhamala nga maanda. A mu ḥola hafhu. Nga matsheloni a tevhelaho... Vha zwi litsha, vha thutha muaro. Dok. Hume, mugudeleli wavhuđi nga maanda, muari, khonani yanga, o vha a tshi khou yo ita muaro.

³⁸ Huno nga matsheloni a tevhelaho a vha na u bvisa ho vuledzeaho, ha nomala hafhu. Huno khotsi awe, Dok. Dyer, vha mmbidza kha founu. Huno vhukati ha mifemeleko, vha ri, "Mukomana Branham, ndo vha musasaladzi wa zwe na vha ni tshi khou amba nga hazwo." Vha ri, "Fhedzi nne ndi mutendi zwino, uri Mudzimu wa Abrahamu, Isaka, na Yakobo u kha di tshila."

³⁹ O vha Mudzimu misi yothe, U dzula e Mudzimu. Huno ri a zwi ḥivha uri U tou vha muhulwane hafha Tucson vhunga E ene ḥuniwe na huniwe, ngauri U hothe-hothe, u na maanda othe, huno ha na magumo, huno ri a zwi ḥivha uri U kona u ita zwithu zwezhe.

⁴⁰ Zwino, hu si u ni fareledza. Kanzhi, nne a si kanzhi nga maanda, musi ndi... Arali ndo vha ndi tshi khou yo rera, oo, ndo vha ndi tshi do vha na ngoho ya u ni bvisa hu sa athu fhela awara dza rathi. Iyo ndi therero pfufhi. Fhedzi nne a thi khou yo ita hezwo madekwana a namusi. Ndi na dzitshumelo vhusiku ha matshelo, vhusiku vhu tevhelaho, na u ya phanda. Ri do lingedza...

Ndi khou ḥoda u ya seli ha lwanzhe hafhu, Murena a tshi funa, nga u ḥavhanya.

⁴¹ Ndi ḥoda u amba na vhathu vhothe fhano, dzikhonani, uri khamusi vhařiwe vhařu ndo no ḥangana navho, huno khamusi hu na vhanzhi fhano vhe nda sa ḥangane navho. Ndi a ni lumelisa nga Dzina ja Murena Yesu, Murwa wa Mudzimu. Ngavhe mulalo Wawe u tshi vha na inwi misi yothe.

⁴² Huno nga tshiňwe tshifhinga ndi tshi amba kha idzi khuvhangano, zwi nga u vhangela vhathu u... vhunga u itela vhakomana vhanga vha vhashumeli fhano, u ri...

⁴³ Muňwe muthu o ri kha nne nga tshiňwe tshifhinga, a ri, "Billy, zwo ralo, naa inwi—nāa inwi ni itelani ni tshi vha ni na itsho tshivhalonyana tsha vhoramabindu?" Ha pfi, "Ndo elekanya uri no vha ni mureri."

"Oo," nda ri, "Ndi—nne ndi ramabindu."

A ri, "Ramabindu?"

Nda ri, "Ngoho."

Ha pfi, "A—a—a tho ngo zwi ḥivha hezwo."

Nda ri, "Iina, nne ndi ramabindu."

Ha pfi, “Naa ni kha lushaka-de lwa bindu?”

⁴⁴ Nda zwi amba nga u t̄avhanya, ngauralo a...nda ri, “Nñe ndi kha vhuṭanzi ho khwāṭhaho ha Vhutshilo.”

A ri, “Mini?”

Nda ri, “Vhuṭanzi ho khwāṭhaho ha Vhutshilo.”

A ri, “Naa ni khou ambani?”

Nda ri, “Vhuṭanzi ho khwāṭhaho ha Vhutshilo Vhu Sa Fheli.”

⁴⁵ Zwino, arali muñwe wa vhoiñwi vhatthu-vho a tshi ḋo takalela u amba phoñsi na nñe, ndi ḋo takalela u ni vhona zwenezwo nga murahū ha tshumelo. Nñe—nñe ndi fhano u itela bindu.

⁴⁶ Elelwani khonani yanga, Snyder lo vha li dzina lāyo. Ro ya tshikoloni rothe. Huno zwino, ndindakhombo, ndi na khonani ine ya vha kha bindu la ndindakhombo. Ndi na mukomana kha bindu la ndindakhombo, fhedzi nñe—nñe zwa vhukuma a thi na iñwe ndindakhombo-vho. Ngauralo uyu Wilmer Snyder, khonani yanga, khonani ya vhatukanani, o da kha nñe hu si kale, huno a ri, “I ri ni, Billy,” a ri, “Ndi ḋo takalela u ámba na inwi nga ha iñwe ndindakhombo.”

⁴⁷ Nda ri, “Zwino, Wilmer.” Nda ri, “Ndi ḋo ni vhudza mini. Kha ri ambe nga ha u zwima.”

A ri, “Hai. Ndi ṭoda u amba nga ha ndindakhombo.”

⁴⁸ Zwo luga, ndo ḋo tea u zwi amba nga u t̄avhanya khae, na zwone-vho. Nda ri, “Ndi na vhuṭanzi ho khwāṭhaho.” Hu si ndindakhombo; vhuṭanzi ho khwāṭhaho, ni a vhona.

⁴⁹ Huno mufumakadzi wanga a sedza u mona hothe kha nñe, a tshi nga u ri, “Malandu, inwi muanetsheli wa nganea muñku.” Ene a tshi zwi ñivha uri ndo vha ndi si na iñwe ndindakhombo-vho.

⁵⁰ Huno a ri, “Oo, ni mpfarele, Billy.” Ha pfi, “Izwo ndi zwone. Mukomana wanu ndi zhendedzi. Ndi ñivha Jesse.”

Huno nda ri, “Zwo ralo,” nda ri, “a zwi tou vha kokotolo khae.”

A ri, “Naa ni na lushaka-de lwa ndindakhombo?”

Huno nda ri, ndo ri, “Ndi na Vhutshilo Vhu Sa Fheli.”

A ri, “Hone mini?”

Huno nda ri, “Vhutshilo Vhu Sa Fheli.”

⁵¹ “Zwo ralo,” a ri, “a thi tendi uri ndo no vhuya nda pfa nga ha iyo khamphani.” Ha pfi, “Hai. I a kanukisa.”

⁵² Huno nda ri, “Ngezwi zwine ha vha zwone, Wilmer.” Nda ri, “Ndi vhuṭanzi ho khwāṭhaho ho fhaṭutshedzwaho, Yesu ndi wanga. Oo, ndi muthetshelo-de wa u ranga wa vhugala

Vhukhethwa! N̄ne ndi mulaifa wa tshidzo, o rengwaho nga Mudzimu, o bebwaho nga Muya Wawe, o t̄anzwiwaho Malofhani Awe.”

⁵³ A ri, “Izwo zwi a takadza lu shavhisaho, Billy, fhedzi izwo zwi nga si ni bvise hafha zwaloni.”

⁵⁴ Nda ri, “Fhedzi zwi do mmbvisa. N̄ne a thi—n̄ne a thi dinwi nga maanda nga ha u dzhena. Ndi u bvela nn̄da, uho ndi hone hune nda khou elekanya nga haho.”

⁵⁵ Zwino, arali ni na iñwe mbilaelo-vho, ndi do amba na inwi nga hayo. U tou itela nyambo thukhu—thukhu i bvaho Luñwaloni, naho i tshi nga vha vhoramabindu. Fhedzi ndo d̄italusa vhunga ramabindu na inwi.

⁵⁶ Huno vhunzhi ha vharathu vhangha vha vhashumeli ngeno nn̄da, ndo vha vhone vha tshi takuwa, zwikhathinyana zwi si gathi two fhiraho. Huno ngauralo khamusi nga tshiñwe tshifhingga, Murena a tshi funa, ndi do takalela u vha na tshigwada huno nda da nda vha na muñangano wavhud̄i wa pfano na vhashumeli ngeno phasi. Ndi ñivha murathu muñuku muthihi fhano. Ndo tangana nae. Whittle, ndi a tenda, lo vha li dzina lawe. Ro vha ri nn̄da rothe, nga tshiñwe tshifhingga. Zwino, ilo a tho ngo li buka zwavhud̄i, na lone-vho. O nn̄divhadza uri izwo two vha two luga.

⁵⁷ Huno ngauralo dzina langa ndi Bran-ham, ni a ñivha. Muñwe o amba na nne, a ri, “Naa... Mukomana Bran-ham, naa ni shaka-vho la Abrahamu?”

Nda ri, “Murwa wawe.”

⁵⁸ “Khotsi a dzitshaka.’ Ro fa ri kha Kristo, ri mbeu ya Abrahamu, na mulaifa na ene u ya nga pfulufhedziso.” Ulwo ndi Luñwalo.

⁵⁹ Zwino, a thi na tshifhingga tsha u ni fara fhano, u rera, ngauri Ramada i nga si ni tendele u vha nayo hafhu.

⁶⁰ Ngauralo ndi a elelwa musi ndi tshi da lwa u thoma vhukati ha vhathu vha Pentekoste, miñwaha yo fhiraho, ndo vha ndi ngei Mishawaka. Ho vha hu na zwigwada zwivhili zwavho. Tshiñwe tsho vha tshi tshi vhidzwa P. A. ya W.; tshiñwe, P. A. ya J. C., ndi a tenda. Huno vho vha vhe na khuvhangano yavho—yavho ngei mashangoni-a-devhula, ngauri ho vha hu na khethululo, huno ngauralo vharathu vha makhaładi vho kona u da muñanganoni. Ndo vha sedza ñuvha lothe, nga ndila ine zwa mangadza, hu si tshe na mikhwa ya tshivhidzo. Nnenne! Ndo vha ndo dzula heneffho, huno riñe Vhabaphuthisi, ni a ñivha, ri nga ri lingedza u ita unga ri vha tshivhidzo tshivhidzoni. Fhedzi avha vhathu vho vha vha si na miñwe mikhwa-vho ya Baphuthisi na luthihi, kana miñwe mikhwa-vho ya tshivhidzo. Vho vha vha tshi gidima, vha

zhamba, vha ṭavha mukosi, vha vha buļuu tshifhaṭuwoni. Huno nda elekanya, “Nnenne, nnenne!” Huno ngauralo nda thoma u dzhieila nzhele ndīla ye vha vha tshi khou bvela phanda.

⁶¹ Huno ngauralo a ri, “Vhashumeli vhothe, kha pulatifomo. Mushumeli muňwe na muňwe, hu sa londwi uri dinomineisheni-de, iđani n̄tha kha pulatifomo u itela madekwana aya.” Rō vha ri tshi ṭodou swika madana maṭanu rine ro dzulaho kha pulatifomo. Ngauralo a ri, “Itonu takuwa huno ni ambe dzina ḥānū, ni dzule fhasi.” Nda—nda da nga, ḥānā. Nda—nda amba dzina ḥānā, nda dzula fhasi. U tsa fhasi. Nga murahu ha tshifhinganyana, vha vha vhe na munna... Vho vha vho no vha na vhařiwe vhareri vhavhuđi nga ilo đuvha. Oo, vho vha vhe zwikola zwa vhukuma, na vhanna vha vhukuma. Huno ndo zwi divha uri a thi na mushumo ngei n̄tha, nga pfunzo yanga ya gireidi ya vhusumbe, ndo ima phanda ha avho vhathu, musi vho vha vha tshi khou yo amba nga ha theolodzhi.

⁶² Fhedzi nda elekanya, “Zwo luga, u itela uyu mutangano wa nga madekwana, zwa vhukuma vha do vha na tshiambi tsha phandesa tsha nga madekwana.”

⁶³ Huno ngauralo, nga murahu ha tshifhinganyana, vha ri muňwe muhulwane u khou yo amba. Ho vha hu munna wa mukhaļadi wa kale, we a bva. Huno o vhonala e na miňwaha i no ṭodou swika ya fumalođhanu. Huno o vha e na liňwe ja ayo madzhasi malapfu a kale, e ra vha ri tshi anzela u a vhidza ngei tshipembe, a mureri, ni a divha; a tshi nga mutshila wa ḥambelamadi, ni a divha, zwitirepe n̄tha na fhasi halo. Lumene luťuku lwa mavhudzi matshena u mona na thoho yawe. Huno o do tea u ranga phanda muthu wa kale nn̄da, o vha e wa kale nga maanda.

⁶⁴ Huno a bva heneffo huno a dzhia liňwalwa lawe nga hangei kha Yobo. A ri, ““Naa wo vha u ngafhi musi Ndi tshi tea shango? Ntanzilele he ha vhoxwa.”” Ha pfi, ““Musi ɬaledzi dza mutsho dzi tshi imba dzothe, huno vharwa vha Mudzimu vha tshi tavha mukosi nga dákalo,”” ha pfi, ““naa wo vha u ngafhi?”” Mudzimu a tshi khou amba na Yobo.

⁶⁵ Zwo luga, vharathu vhothe nga ilo đuvha vho vha vha tshi khou rera nga ha Vhutshilo ha Kristo, na u da ha Yohane, a tshi khou vula ndīla vhukati, na zwiňwe-vho, nga ndīla ya tshikola nga maanda.

⁶⁶ Fhedzi uyu munna wa kale ho ngo rera nga ha tshiňwe tshithu tshe tsha vha tshi tshi khou bvelela ngeno fhasi kha liphasi. O Mu dzhia n̄tha murahu hangei miňwaha i no ṭodou swika milioni dza fumi shango li sa athu vhuya ja sikiwa. Huno a Mu disa, zwe zwa vha zwi tshi khou itea ngei Tađulu, zwenezwo a tsela fhasi nga musingavhadzimu wa vhusendekamisi. O ita izwo zwe the nga miniti i ṭodaho u swika miňanu, na mufemo muthihi, zwe vhonala zwe ralo. Musi o no

fhedza, a fhufhela n̄tha tuyani hune ha ḥodou ita fithi tharu, two vhonala kha n̄ne, two ralo, huno a rahekanyisa zwirethe zwawe fhethu huthihi. A ḫa a tshi khou gidima-gidima u mona heneffo. Huno o vha e n̄a lufhera kavhili u fhira lwe nda lu wana. A ri, “Inwi ni tou vha ni si na lufhera two ḫedanaho ngeno n̄tha lwa uri ndi rere,” huno a dzula phasi.

⁶⁷ Nda elekanya, “Itsho ndi tshone tshire nda ḥoda. Arali itsho tshi ḥo ita uri munna wa kale a ḫipfe nga u ralo, naa tshi ḥo ita n̄ne mini arali ndi tshi nga vhuya nda wana itsho tshisima tsha vhuswa?”

⁶⁸ Munna wa kale, wa miwaha ya fumalothanu, huno a kona u ita nga u ralo! Zwo luga, n̄nenne, u a bva heneffo, a tshi nga o farelela. Fhedzi ndo dzhielā nzhele musi uyo Muya u tshi mu kwama, a vusuludza vhuswa hawe vhunga goni, ni a ḫivha.

⁶⁹ Zwino nga hangei kha bugu ya Luka Mukhethwa ndi ḥo takalela u vhala fhedzi ndimana thukhu kana mbili, u itela Maipfi a si gathi hafha, u ḫanganyisa na tshiñwe tshithu tsho no ambiwaho, na zweþhe zwo ḫangana, na ngosha dzo no imbiwaho. Huno Murena nga a inge phaþutshedzo Dzawe kha u vhalwa ha Luka Mukhethwa 19.

Huno Yesu a dzhena nahone a fhira nga Yeriko.

*...vhonani, ho vha hu na munna o rinwaho a no pfi
Saxeo, we a vha e muhulwane vhukati ha vhatelisi,
nahone o vha o pfuma.*

Huno a ḥoda u vhona Yesu uri ndi nnyi; huno a kundelwa n̄ga n̄thani ha u ḫala ha vhatatu,...o vha e wa tshiimo tshiþuku.

Huno a gidimela phanda, huno a gonya muhuyu uri a mu vhone: ngauri o vha a tshi khou yo fhira nga iyo n̄dila.

Huno musi Yesu a tshi swika afho fhethu, a sedza n̄tha, huno a mu vhona, huno a ri...Saxeo, ita nga u tavhanya,...itsa; ngauri ñamusi ndi fanela u dzula n̄duni yau.

⁷⁰ Hu fanela u vha ho vha hu vhusiku vhuvhi lu ofhisaho. Muthu uyo muþuku ho ngo edela na luthihi. O sokou vhumbuluwa na u rembuluwa vhusiku hoþhe. Riñe roþhe ro ðowela idzo tshaka dza masiku: ri sa koni u awela, ri sa koni u ya u edela. Huno a sokou vhumbuluwa vhusiku hoþhe, a tshi khou rembuluwa u mona hoþhe.

⁷¹ Ni a ḫivha, mufumakadzi wawe, Rabeka, o vha e mutendi, nahone o vha a tshi takalela munna wawe we a vha e na bindu Yeriko. Huno o vha e wa madzangano manzhi a ilo ðuvha, a hu na u timatima. Huno Rabeka o vha o no ðowela mu—muporofita o rinwaho Yesu wa Nazaretha, We vha amba uri ndi Murwa wa Mudzimu. Huno o vha a tshi takalela munna wawe a tshi ḫangana na yu Munna.

⁷² Ngauri, o zwi ḋivha uri vhathu vha Vhayuda vho vha vho funzwa, uri, “Arali munna o vha e muporofita, izwo zwe a amba zwi ḍo khunyelela. Fhedzi arali zwe a amba zwi songo khunyelela, zwenezwo ni songo mu pfa.” Mudzimu o vha o no sia iilo Ipfi khavho, nga vhaporofita Vhawe. Iyo ndi ndila ye muporofita a ṭaluswa.

⁷³ Huno muṇei wa mulayo muhulwane, Mushe, na ene o vha o no sia mulayo, “Murena Mudzimu waṇu u ḍo vusa Muporofita a no nga nne. Zwi ḍo khunyelela uri ane a sa ḍo pfa uyu Muporofita u ḍo tumulwa vhukati ha vhathu.”

⁷⁴ Huno Rabeka o vha o kwengweledzwa tshoṭhe, musi o vhona uri Yesu wa Nazaretha o kona u ima huno a vhudza vhathu zwithu zwe zwa vha zwi mbiluni dzavho, a bvumba zwithu zwe zwa vha zwi tshi ḍo bvelela, zwa ḍa kokotolo fhedzi nga ndila ye A zwi amba, na kathihi zwa sa kundelwe nga tshiṇwe tshifhinga. Huno O vha e kha Ipfi ḥa Mudzimu lwo lulamaho. O ḥi tenda.

⁷⁵ Fhedzi Saxeо, munna wawe, a vha o ṭanganaho. Nahone, zwo ralo, ngoho yazwo ya vhukuma yo vha i, ya uri na kathihi ha athu vhona Yesu.

⁷⁶ Huno nga ngoho itsho ndi tshithu tshivhi, u lingedza u haṭula munna ni sa athu mu pfa. Na kathihi ni songo ita hezwo. Zwifhinga zwinzhi ri kha ḫi vha na mulandu wa hezwo, kha ḥino ḫuvha. Ri pfa nga ha muthu, huno, ri sa athu vhuya ra amba nae, riṇe—riṇe ri kha ḫi... ro no pfukisa muhumbulo washu khae, nga muhumbulo wa muṇiwe muthu-vho. Huno a si tshithu tshavhuđi. Ri tea u ya, ra vhona nga riṇe vhaṇe.

⁷⁷ Vhunga zwo ambiwa nga tshiṇwe tshifhinga, “Naa tshiṇwe tshithu tshavhuđi-vho tshi nga bva Nazaretha?”

⁷⁸ Musi Filipo o ya u vhona Nathaniele huno a mu wana phasi ha muri, huno a ri, “Idani, vhonani We ra mu wana, Yesu wa Nazaretha, Murwa wa Yosefa.”

⁷⁹ A ri, “Zwino, naa hu nga vha na tshithu tshavhuđi-vho tshi bvaho Nazaretha?”

⁸⁰ O mu ḫea ḫinwe ḥa maipfi a khwinesa e a vha a tshi nga vha o kona u mu ḫea. “Idani, vhonani.” Ni songo dzula hayani huno na sasaladza. Idani, ni vhone nga inwi muṇe.

⁸¹ Huno musi a tshi ḫa, Yesu a mu vhona a tshi ḫa. A ri, “Vhonani Muisraele ane khae ha sa vhe na vhufhura.”

⁸² A ri, “Rabi,” ḫine ḥa amba mudededzi, “naa Wo nnḍivha lini?”

⁸³ A ri, “Filipo a sa athu vhidza, musi wo vha u phasi ha muri, Ndo u vhona.”

⁸⁴ Izwo zwo vha zwo ḫedana. Ha pfi, “Rabi, Iwe u Murwa wa Mudzimu. Iwe u Khosi ya Israele,” ngauri o vhona ipfi ḥenelo

le—le Mushe a ri li do itea. A vho ngo vha na muporofita lwa miñwaha ya madana mana, huno hafha ho vha hu na Munna we a vha e kokotolo kha Ipfi.

⁸⁵ Ndila ye uña musadzi muñuku ngei tshisimani tsha Samaria a fanela u vha o dipfa musi o bva uri a wane madi nga liñwe ñuvha, huno heneffo ho dzula Munna, Muyuda. U fanela u vha o vhonala e na miñwaha i todaho u swika futhanu, naho O vha a tshi kha di vha na ya furaru fhedzi. Mushumo Wawe u fanela u vha wo Mu kwashékanya.

⁸⁶ Musi vho vha vhe na munyanya wa—wa dzithaberenakele, vhothe vho vha tshi khou pembela. Huno Yesu a vñidzelela, sa zwe zwa redziwa tshifhinganyana tsho fhiraho, “Idani kha Nñe.” Ngauralo zwenezwo A thoma u ñea lekhitsha Yawe khulwane.

⁸⁷ Huno—huno Vhayuda vha ri Khae, “Naa u amba zwauri Wo vhona Abrahamu? Huno U Munna a sa athu fhira miñwaha ya futhanu, u ri Wo vhona Abrahamu? Zwino ri a zwi ñivha uri U a penga.” Huno ipfi *penga* heneffo li amba “u ñangana ñohoo.” “Riñe ri a zwi ñivha uri Wo ñangana ñohoo. U na ñiabolo.”

⁸⁸ A ri, “Abrahamu a sa athu vha hone, Ndi hone.” Uyo o vha e A RE HONE we a amba na Mushe tshiñkani tshi swaho.

⁸⁹ Huno ri dzhiela nzhele uri musi O vha o dzula...O do tøda u fhira nga Samaria. Ngauri, Israele yo vha yo no pfa mulaedza, huno Ene o vha a tshi khou da zwino kha tshaka tharu: Vhayuda, Vhannda, na Vhasamaria; Hamu, Semu, na vhathu vha Yafete. Huno Ene ndi...Mafhungo-madifha a fanela u ñivhadzwa khavho. Huno U da mudini u no vñidzwa Sikara, huno heneffo, o dzula tshisimani. Huno a ruma vhafunziwa Vhawe ngomu mudini, u wana zwiliwa.

⁹⁰ Musadzi muñuku a bva. Namusi ro vha ri tshi do mu vñidza, zwo ralo, khamusi “tshedza tshitswuku,” liñwe dzina liñvi. Inwi ni a ñivha zwine nda khou amba. Huno ngauralo a vhona Yesu...Ndi khou amba, na kathihi ha athu vhona Yesu o dzula afho, a tshi tou vha Munna wa Muyuda zwawe o dzulaho o ñitika nga luvhondo. Ha tshisima tshiñku, nnnda magumoni a tshiñaraña, tsha...hune mudi wa ña u wana madi awo. Uyu Muthu muñuku o dzula heneffo, a sa dzhielwi nzhele. A ña khamusi i tshi ñodou rwa awara ya fuminthihi ñtha ha tshithoma masiari, u wana madi, madi a muña a ñuvha. Huno a tsitsela bakete fhasi u a wana, huno, a sa athu li gwedzhela ñtha, a pfa Muñwe a tshi ri, “Nndisele tshinwiwa.”

⁹¹ A sedza huno a vhona uri ho vha hu Muyuda. Huno a nga ñi vha o amba tshiñwe tshithu ngaurali, “Muñe wanga, a zwo ngo dowelea uri Iwe u ambe tshithu tsho raloho. Nñe ndi Musamaria. Iwe u Muyuda. Huno a ri na...Hu na khethululo hafha. A ri na u shumisana ho raloho.”

⁹² Huno A ya u amba. Khoso ya bvela phanda, malugana na uri o luvha ngei Yerusalem. A ri, “Rine Vhayuda ri a divha zwine ra luvha, ngauri tshidzo ndi ya Vhayuda.” Huno khoso ya bvela phanda Iwa tshifhinganyana. Huno nga murahu ha tshifhinganyana A ri khae, “Iya, u dzhie munna wau huno u de ngeno.”

A ri, “A thi na munna.”

⁹³ Ha pfi, “Wo amba ngoho, ngauri wo no vha na vhanna vhañanu, huno uyo ane wa khou dzula nae zwino a si munna wau.”

⁹⁴ A ri, “Muñe wanga, ndi a vhona uri U muporofita.” Zwino, vhonani, a vho ngo vha na muporofita lwa miñwaha ya mađana maña, u bva kha Maleaxi. Ha pfi, “Ndi a vhona uri U muporofita. Ri a divha, musi Mesia a tshi da, U do ri vhudza izwi zwithu. Itsho tshi do vha tshiga tsha muporofita. Musi Mesia a tshi da, U do ri vhudza izwi zwithu.”

Yesu a ri, “Ndi Ene, a no amba na iwe.”

⁹⁵ A gidimela ngomu mudini huno a ri, “Idani, vhonani Munna we a mmbudza zwithu zwe nda ita. Naa uyu a si eñe-eñe Mesia?” Ndila ye Tshedza tsha bvelela u thoma kha musadzi muñuku a re kha iyo nyimele!

⁹⁶ Ho vha u—ho vha u kaidzwa-de kha avho vhotshifhe vha thembele vha ilo ñuvha, vho Mu vhonaho a tshi ita itsho tshithu tshi fanaho, huno vha Mu vhidza, “Belesebulu, diabolo, muyu u songo kunaho u no khou ita iyi mishumo”! Ngeno, Luñwalo lu tshi khou khwañhisedza zwi khagala uri hu do vha Mesia. Zwino riñe...

⁹⁷ Rabeka o zwi vhona izwi zweþhe, huno o vha a tshi vhilaela uri munna wawe o vha a tshi nga kona u dzula he Yesu wa Nazaretha a vha e hone. Huno o pfecta uri O vha a tshi tea u vha Yeriko, mudi wawe, nga ilo ñuvha. Huno a swika hune a mu rabelela. Ndi fulufhela uri hu na Vhorabeka vhanzhi fhano madekwana a ñamusi, vhane na do rabelela vhanna vhañu, uri nga tshinwe tshifhinga Yesu u do fhira ndilani yavho. Huno o rabela vhusiku hoþhe, vhunga ri tshi do zwi ita litambwa.

⁹⁸ Huno ni a divha, musi muñwe a tshi thoma u ni rabelela, nga u fulufhedzea, inwi—inwi a ni wani vhuawelo. Inwi ni nga kona u amba, heneffo tshinwe tshithu tshi khou itea.

⁹⁹ Huno zwenezwo u yela nga matsheloni, ri do ri... Saxe o vha e na ndowelo ya u vuwa o lenga, ngauri, thañwe ri do ri, o vha e na khefi, huno o tendela... vhalangi vhawé—vhawé, na vhañwe-vho, u londa ili bindu. Fhedzi nga ayo matsheloni, o vuwa nga u tavhanya vhukuma, a ñitama zwavhudí vhukuma, huno a ambara zwiambaro zwave zwa khwinesa. Huno Rabeka, nga murahu ha u rabela vhusiku hoþhe, huno a tshi vhona uri o vha a si na u ñigedá nga mañda...

¹⁰⁰ Huno thetshelesani, Rabeka, musi ni tshi vhona Saxeо waňu a tshi thoma unga ha tsha ḫiged , itonu elelwa, Mudzimu u khou fhindula thabelo, ni a vhona. Iyo ndi n il  ine zwa bvelela. Musi ni tshi mu vhona a tshi thoma u sa kona u ni nea ipfi ḫavhudi, itonu elelwa, dzulani no fara. A hu nga fheli tshifhinga tshilapfu u swika Mudzimu a tshi do fhira khae nga iyo n il .

¹⁰¹ A thoma u sa tsha ḫiged  zwa vhukuma. Musi o no vuwa, a ambara zwiambaro zwawe zwa khwinesa. Huno ndi kona u vhona Rabeka a tshi rembuluwa huno a ri, “Saxeо, no vuwa nga u ḫavhanya matsheloni ano, mufunwa wanga.”

¹⁰² “Oo, ee. Uh, ndi tou, uh, huh-huh-huh, hum. Ni a ḫivha, ndo–ndo tou elekanya uri ndi do bvela nn  a uri ndi wane maya muswa mu uk u.”

¹⁰³ Fhedzi, kha thalukanyo yawe o vha e na, “Ndo kundelwa u bvisa uyo Muthu kha thalukanyo yanga. Ni a ḫivha zwine nne nda khou yo ita? N  e ndi khou yo tsela fhasi n  ei khoroni hune A dzhena hone. Huno musi A tshi dzhena nga iyo khoro, n  e ndi khou yo Mu nea tshipi a tsha thalukanyo yanga, nga u bvisa mufumakadzi wanga, iyi mi angano, na u bvela ph  anda ngaurali. N  e ndi khou yo Mu vhudza zwine nda elekanya nga Hae.” Ni a ḫivha, kanzhi vhathu vha fha  a ulwo lushaka lwa mutsiko, ni a ḫivha, nga u tou pfa tshi  we tshithu.

¹⁰⁴ Ngauralo a di  ama tsho  the. A nangavhedzela fhasi. A sedza murahu n  ha, nn  du, huno a vhona arali ho vha hu na nnyi na nnyi we a vha o sedza, huno ha vhonala hu tshi nga a hu na we a vha o sedza. Fhedzi Rabeka o vha o sedza nga kha mutwe wa fasi  ere, a tshi vhona zwe a ita. Huno vhudzuloni ha u rembulutshela fhasi n  ei u yela khefini yawe, a tsela fhasi u yela Straight Street.

¹⁰⁵ Ni a ḫivha, inwi kanzhi ni wana Yesu kha Straight Street. Izwo ndi zwone. Tswititi kha bindu ḫan  ! Ni tshi   oda u Mu wana, ivhani a fhulufhedzeaho, ivhani a fulufhedzeaho, ivhani a re tswititi na Mudzimu na vhathu, ni vhe a re tswititi na mudzulatsini waňu.

¹⁰⁶ Ngauralo u nangavhedzela nga tshi  ara  , ngauri o zwi ḫivha uri O vha a tshi tea u dzhena kha iyi inwe khoro. O vha o lengiswa zwi  uku nga ayo matsheloni, ngauri vhanna vhavhili vho pofulaho vho   oda phodzo, vhunga Lu  walo lu tshi ri vhudza, huno O vha fhodza vhenevho. Huno musi a tshi tsela fhasi khoroni he Yesu a vha a tshi tea u dzhena... Ni a ḫivha, Bivhili yo ri, “O vha a tshi nga ndi mupfufhi nga tshi  imo.” Huno musi a tshi swika heneffho, vha  we vha avho vhathu vhahuluhulu vho vha vho ima heneffho, huno ene a kundelwa u vhuya a wana fhethu, u ya n  ha uri a Mu vhone. Vho vha vho nembelela kha mbondo na hu  we na hu  we.

¹⁰⁷ Ni a ðivha, hu na tshiñwe tshithu nga hazwo, tsha uri, musi Yesu a tshi ða afho, tshifhinga tshoþhe zwi kokodza tshenzhemu nga iñwe ndila. Vho vha vhe henefho, vho lugela u imba, “Hosanna!” Huno vha . . .

¹⁰⁸ A ri, “Zwino, ndi nga si dzhielwe nzhele hafha. Huno ndi nga si kone u Mu dzhieila nzhele, ngauri ðaňwe U ðo tshimbila vhukati ha tshitarata, e na mulindi, huno a thi nga koni u vhona uyu Muthu. Fhedzi a thi tendi uri Ndi muporofita, ngauri ndo funzwa uri maduvha a vhuporofita na maðuvha a maðembe o fhira.” Ni a ðivha, tshifhinga a tsho ngo shanduka lwo kalulaho u bva tshifhingani itsho.

¹⁰⁹ Arali Mudzimu o vhuya a vha Mudzimu, U kha ði vha Mudzimu. Arali E si ene, zwenezwo na kathihi O vha e si Mudzimu. Ni nga si sokou ri Ndi Mudzimu nga tshiñwe tshifhinga, huno a si Mudzimu kha tshi tevhelaho. Ha vhi wa kale. Ha koni u shandukisa ðhalukanyo Yawe. U tea u dzula na tsheo Dzawe. Ngauralo-ha, ni nga fulufhela tshoþhe zwauri, zwe A amba, izwo U ðo zwi ita. Izwo ndi zwe . . .

¹¹⁰ “Abrahamu o tenda Mudzimu, a vhidza zwithu zwe zwa vha zwi zwo fhambanaho sa zwe zwa vha—zwa vha zwi siho. Zwithu zwe zwa vhonala zwi zwa vhukuma, zwe maþo awe a kona u zwi vhona, fhedzi zwo vha zwi zwo fhambanaho na Ipfi la Mudzimu, huno ene—ene ngauri . . . ha iti . . . ho ngo vhuya a zwi sedza. O zwi vhidza sa zwe zwa vha zwi siho. A tenda Mudzimu.” Na kathihi ho ngo tou farelela ðuvha ðithihi. O ya phanda na vhutshilo, miñwaha ya fumbiliñhanu, Isaka a sa athu vhuya a bebwa. Huno a khwaþha, tshifhinga tshoþhe.

¹¹¹ Riñe ñamusi ri amba u vha, nga tshilidzi, na nga khathutshelo na u wana hana nga Kristo, uri ri vha Mbeu ya Abrahamu, huno a ri koni u fulufhela Mudzimu lwa awara dza fumbiliña. Fhedzi Mbeu ya Abrahamu ya vhukuma i fara Ipfi la Mudzimu huno a hu na tshithu tshine tsha khou yo i sudzulusa khaþo.

¹¹² Mudzimu o vhudza Abrahamu, musi o vha e na miñwaha ya fusumbethanu, huno Sarah e na ya furathiñhanu, vho vha vha tshi khou yo vha na lushie. Mulandu, vho ya huno vha wana phini dzoþhe na maleri, huno vha dilugisela lwone. Izwo ndi zwone. Ho vha hu si na tshithu tshe tsha vha tshi tshi khou yo vha imisa. Vho zwi ðivha.

¹¹³ Maðuvha a fumbilimalo a u thoma a fhira. A ri, “Naa ni dipfa hani, Sarah?”

“A hu na phambano.”

“Vhugala kha Mudzimu! Ri khou yo vha nalwo, naho zwo ralo.”

“Naa ni zwi ðivha hani?”

“Mudzimu o amba nga u ralo. Izwo zwi a li ladza.”

Nwedzi u tevhelaho, “Naa ni dipfa hani?”

“A hu na phambano.”

¹¹⁴ “Zwo luga, ndi dembe lihulwane u fhirisa zwino. Ho no lengwi nga miñwedzi mivhili.” Ni a vhona?

Miñwaha ya fumbilithanu, “Naa ni dipfa hani, Sarah?”

“A hu na phambano.”

“Vhugala kha Mudzimu! Ri do vha nalwo, naho zwo ralo. Mudzimu o amba nga u ralo.”

¹¹⁵ Huno zwenezwo ri dihidza Mbeu ya Abrahamu. Zwine Mudzimu a amba, Mudzimu u a kona u ita, u ita zwe A amba uri U do ita. Nne a thi koni u vhulunga ipfi langa tshifhinga tshothe. Na inwi ni nga si kone. Fhedzi U tea u ralo, u vha Mudzimu.

¹¹⁶ Ngauralo, ri a wanulusa uri uyu munna ho ngo zwi tenda hezwo, uyu ramabindu muñuku wa mudi wa Yeriko. O vha e na bindu lihulwane. O elekanya uri o vha a tshi khou ita zwo lugaho. O vha a tshi takalelwa nga vhotshifhe na nga sinagogo. O vha a tshi takalelwa nga zwivhidzo, na Vhakiwani, na—na vhunzhi ha madzangano a iilo duvha, sa zwe ra vha ri tshi nga amba. Naho zwo ralo, izwo a zwi ambi Mudzimu, nangwe.

¹¹⁷ Vhuando na kathihi a vhu ambi Mudzimu, tshifhinga tshothe. Nga tshiñwe tshifhinga zwi a fhambanyisa.

¹¹⁸ Mudzimu o ri, “Musi wo vha wo dzula tsimuni,” a vhudza Israele, malofhani a ene mune, zwenezwo o vha a tshi funa u Mu shumela. Fhedzi musi a tshi vha na zwo edanaho, a elekanya uri o vha o ralo, zwenezwo ho ngo tsha tod u vha na mushumo Nae, a Mu furalela.

¹¹⁹ Yesaya o wana iyo tsumbo kha khosi Usia, ngauri Usia o vha e munna muhulwane samusi o dzulela u ditukufhadza phanda ha Mudzimu. Na kathihi ho ngo tambo politiki. O dzula na Mudzimu, huno Mudzimu a mu fhatutshedza. Muvhuso wawe wo vha u tsini na wa Salomo. Fhedzi, musi a tshi vha kha vhunne!

¹²⁰ Uvho ndi hone vhuleme kha vhatu namusi. Na kathihi ni songo tendela izwo zwi tshi bvelela kha ili dzangano la vhoramabindu, kana no ya buseni vhunga vhañwe vhavho vhothe. Tshifhinga tshinwe na tshinwe tshine vhatu vha swika fhethu hune vhuando ha swika—ha swika hune ha pofudza maño avho kha Ipfi la Mudzimu, vha khakhathini.

¹²¹ Usia o vha e munna muhulwane, fhedzi o lingedza u dzhia fhethu ha mureri, liñwe duvha, u dzhena na u dubisa tshioro. Huno tshifhe muhulu, e na tshivhalo tsha vhañwe vhotshifhe, a da a mu vhudza, “Iwe a u tei u ita hezwo. U tou vha murađo zwawe.”

¹²² Huno inwi vhoramabindu elelwani hezwo, na vhoinwi-vho. Rine vhareri ri na tshifhinga tshi kondaho lwo edanaho tsha u dzula ro ita uri itshi Tshithu tshi vhe tswititi. A si tsha mirado

zwayo. Mirađo zwayo i na tshipida tshayo, fhedzi phuluphithi ndi ya mushumeli o tiwaho. “Mudzimu u vhea, Tshivhidzoni, vhanna u itela izwi zwithu.”

¹²³ Huno zwenezwo ri a wanulusa zwauri o dzhia ludongo huno a dzhena, naho zwo ralo. Huno Mudzimu a mu rwa nga mapele, huno a fa e wa mapele. Ni a vhona, musi ri tshi dihudza!

¹²⁴ Saxeо kałukułuku o vha e kha iyo nyimele. O vha e na vhuando. O vha o ima zwavhuđi na rabi. O vha o ima zwavhuđi na madzangano othe. Ngauralo a elekanya, arali o dzhena kha vhuńwe vhuleme, u do tikedzwa, Sanhedrini yo vha yo luga khae. U ima khoroni. U khou yo ita tshińwe tshithu zwino. U khou yo bvela nnđa huno a dzhia uyu Muthu, huno a Mu vhudza o livhana na tshifhaļuwo Tshawe, “U muporofita wa khole-khole. A hu na tshithu kha Iwe. U khou tou dzhia fhedzi u vhala muhumbulo, huno u tshi fhura vhathu.” Ni a vhona, na kathihi ho ngo ima u vhala Ipfi.

Heneffo ndi hone hune khakho ya itwa ḥamusi.

¹²⁵ Arali Israele yo vha i tshi do vha yo ita izwo vhudzuloni ha u ita zwe vha ita, vho vha vha tshi do vha vho vha khwine ḥamusi. Fhedzi vho do tea u itwa nga iyo ndila. Zwo do tea u khunyelela, u pofudzwa ha mađo avho, uri riñe ri vhe na tshifhinga. Arali zwo vha zwi songo vha zwa hezwo, naa ro vha ri tshi do vha ri ngafhi? Dzhielani nzhele.

¹²⁶ Fhedzi musi a tshi swika heneffo, u wanulusa uri ha koni na u vhona tshithu. Ha koni u vhona tshiṭaraṭa, hu tou vha na vhathu vhanzhi nga maanda vho kuvhanganaho u mona hothe, huńwe na huńwe. Ngauralo u a elekanya, “Ni a ḥivha uri mini? U khou ya n̄ha... Vha a mmbudza, Rabeka o mmbudza, uri, ḥamusi, O vha a tshi khou yo la ngei—ngei Lavinski.” Ndi fhulufhela uri a hu na Lavinski fhano. Fhedzi, khefi yawe, muṭaṭisani wawe. Uh-huh. Ngauralo o vha a tshi khou yo la hangei khefini yawe, ḥanīwe. “Ngauralo ndi a divha, u swika henengei, ri do tea u tsela fhasi, ra khona nga Štraight Street hafha, fhasi ha Hallelujah Avenue,” ri do zwi vhidza zwezwo.

¹²⁷ Ayo ndi madzina a songo vhibvaho, fhedzi ndi tou ita hezwo u ita litambwa ḥanga. “Huno ri tea u khona hafha, u bva kha Štraight Street, u ya kha Hallelujah Avenue.” Inwi ni tou ḥuwa nga itsho tshiṭaraṭa tshikhala tshilapfu lwo edanaho, huno ni do dzhena kha Hallelujah Avenue. Itonu ya tswititi.

¹²⁸ Ngauralo u tsela fhasi, nga u tavhanya. A ri, “Nne ndi muṭuku nga tshiimo.” O ḥama vhuńne hawe vhułuku: o kokodzela ndebvu dzawe fhasi; a vhona zwauri u nukhelela nga ndila yone; nala dzawe dzo pholishwa dzothe. A ima khudani, a ri, “Ndi do Mu vhona musi A tshi fhira, huno ndi do Mu vhudza zwine nda elekanya nga Hae musi A tshi fhira.” Ngauralo u ima khudani.

¹²⁹ Huno a thoma u elekanya, “Ni a divha uri mini? Tshigwada tshenetsho tshithihi tshi do Mu tevhela. Vha do vha henehafha, huno vha do tou... Nne ndi mułuku nga maanda, na kathihi ndi nga si kone u Mu vhona, ngauralo a thi nga do ima zwavhudzi nga maanda fhano. Ndi nga si vhe khwine fhano u fhira zwe nda vha ndi zwone ngei fhasi. Huno, ni a divha, ni a tenda zwine—zwine nda do ita? Ngoyu muhuyu wo imaho hafha, ngauralo ndi tenda uri ndi do tou namela uyu muhuyu. Huno zwenezwo ndi do kona u Mu vhona, huno nda Mu sedza zwavhudzi musi A tshi fhira. Ngauralo na kathihi A nga si mmbone ngei ntha kha uyo muri. Nahone hu na davhi li bvelaho nn̄da henefho; huno ndi do tou dzula henefho kha ilo davhi huno nda Mu sedza musi A tshi bvela khagala, na musi A si tsha vha khagala. Ndi do tou sedza uyu Muthu zwavhudzi.”

¹³⁰ Huno ngauralo, tshithu tsha u thoma ni a divha, u thoma u lingedza u vhona uri davhi la u thoma lo vha lo ya n̄tha u gumafhi, huno lo vha li sa swikelelei zwiłuku khae.

¹³¹ Ni a divha, zwa vhukuma, ligi la u thoma li tou vha li sa swikelelei zwiłuku kha rine. Ri tea u li t̄anganedza nga lutendo. Iina. Li tou vha zwiłuku lo engedzeaho u fhira zwine t̄halukanyo ya muthu i nga kona u t̄alutshedza. Inwi ni nga si kone u t̄alutshedza Mudzimu. Arali ni tshi ralo, zwenezwo Ene ha tsha t̄anganedza nga lutendo. Ni tea u Mu tenda. “Ane a da kha Mudzimu u fanela u tenda uri U hone, na uri ndi Mupfufhi wa avho vha no Mu t̄oda nga mbilu yothe.”

¹³² Ngauralo ri wana uyu muthu mułuku a divheaho, muñwe wa vhoramabindu vha muđi, o ri, “Zwino, naa ndi do namela hani n̄tha?” Huno thańwe u dzhiwi ha mathukhwi ho vha hu sa athu da nga matsheloni ayo, huno ho vha hu na mañwe magani o dzulaho khuđani, o dalaho na—nama yo sinaho mudini. Ngauralo vha... A ri, “Arali ndi tshi nga tou fara ilo kani, ndi nga kona u swika n̄tha huno nda fara davhi.”

¹³³ Zwi a kanukisa, ndila ine Mudzimu a ita uri vhanna vha ite zwithu nga ndila i seisaho. Ngauralo, fhedzi, ni a divha, arali no diimisela tshothe uri ni t̄oda u vhona Yesu, ni do ita zwithu nga ndila i seisaho, arali no diimisela tshothe uri ni t̄oda u ralo; inwi ni a—inwi ni a fulufhedzea zwa vhukuma, inwi ni t̄oda u divha zwa vhukuma zwe the nga Halo.

¹³⁴ Huno uyo wo vha u muhumbulo wa Saxeo. O vha a tshi t̄oda u wanulusa zwe the nga ha izwi, zwe a vha a tshi khou zwi pfa. Ngauralo u ri, “Zwino a hu na muthu u mona hothe, ngauralo ndi do tou nangavhedzela hangei huno nda fara kani la mathukhwi huno nda li kokodzela nn̄da hafha, huno nda bva hafha nda ya kha mu—muri. Huno zwenezwo ndi nga kona u namela kha davhi la u thoma, huno nda swika nga n̄tha—n̄ga n̄tha ha tshitarata musi A tshi fhira.” Fhedzi musi a tshi thoma u kokodza kani, lo vha li tshi khou lemela lwo kalulaho khae

uri a nga li kokodza. O vha a tshi nga ndi munna mupfufhi, mutuku nga tshimo. Tshithu fhedzi tshe a vha a tshi tea u tshi ita, tshifhingani itsho, o do tea u li hwala. Zwino, o vha o ambara zwiabaro zwawe zwavhuđi.

¹³⁵ Ni a vhona ndila ine diabolo a ita? U sokou lingedza u vhea tshiñwe na tshiñwe ndilani yañu. Ngauralo u—u do sudzulusa tshiñwe na tshiñwe, u timatima huñwe na huñwe, u sa kona huñwe na huñwe hune a kona, u itela uri inwi ni si vhone zwine zwa vha Ngoho. U tou vha wavhuđi kha u ita hezwo.

¹³⁶ “Ngauralo nda ambara zwiabaro zwanga zwa khwinesa,” a nga di vha o amba. “Huno hafha, nñe—nñe, arali nda dzhia ilo kani la mathukhwi, ndi do dola tshika.”

¹³⁷ Ni a ñivha, hu na vhañwe vhatthu vha no elekanya uri, u dzula muñanganoni u no nga uyu zwi nga ni ñodza tshika zwiñku, unga vhukati ha dzangano na muthu a re na bvumo wa mudi. Fhedzi arali no ñiimisela tshothe zwa vhukuma u vhona Yesu, ni do da, naho zwo ralo. Izwo ndi zwone. Ngauralo, hu na tshithu tshithihi fhedzi tshi no tea u itwa, arali muthu o ñiimisela tshothe u vhona Kristo, a hu na tshithu tshi no khou yo mu imisa.

¹³⁸ Ngauralo u swikelela phasi huno a fara ili kani la mathukhwi, huno u a da hafha. Nga tshifhinga tshenetsho o li kuvhatedza zwandani zwawe, zwavhuđi, vhañatisani vhawé vha da u mona na khuđa, vhavhili kana vhararu vhavho. Ha pfi, “Zwo luga, sedzani Saxeо. O shandukisa vhuimo hawe. U shumela mudi zwino.” Ndo vha ndi tshi do humbulela uri tshifhañuwo tshituñku tshawe tsho vha tshitswuku lu shushaho.

¹³⁹ Ndi a mangala, madekwana a ñamusi, arali vhasa a tshi nga dzhena huno a vhona vhañwe vha vhoiñwi vhoramabindu fhano, no dzula muñanganoni u no nga uyu u no vhidzwa “vhavhumbuluwi-vhakhethwa,” ndi a mangala arali tshifhañuwo tshanu... Zwo ralo, no no di taluswa, ngauralo ni nga di tou didzikela zwino. Saxeо o no di vha na lo zwandani zwawe; o no di li kovha. Huno inwi no no di dzhena ngomu hafha, ngauralo ni nga di tou didzikela, na bvela phanda nawo, no dzula ngomu heneffho.

¹⁴⁰ O vha o vhea tshanda tshawe u mona na emere ya mathukhwi. Ndi tshithu-de nandi kha ramabindu! U a da hafha, tshifhañuwo tshawe tsho tswuka. Huno vhone vha tshi ri, “Zwo luga, zwine na zwi ñivha, Saxeо?” Ni a ñivha, lo vha li lavhudì nga maanda, bindu lo vha lo ralo, ngauralo u a wanulusa. Hu pfi, “Ngoyu. Zwino u khou shumela mudi. Ndi a ñivha, ndi a ñivha uri bindu lawe lo vhifha, sedzani uri u na lushaka-de lwa mushumo.”

¹⁴¹ O vha o ñiimisela tshothe u vhona Yesu, hu si na u londa. O vha o no pfa nga hazwo, huno o vha a tshi ñodou ñivha nga ene mune.

¹⁴² Ndi humbela kha Mudzimu uri muthu muñwe na muñwe a dzhie ukwo kuhumbulele. Arali no no vhuya na pfa nga Hae, wanulusani. Ho ngo fa. U a tshila, u tou fana nga maanda na hafha fhethu fhano madekwana a ɣamusi sa zwe A vha e kha vhugabelo ha Galilea. “Whonani, Nñe ndi na inwi tshifhinga tshothe, na u swika magumoni a shango. Mishumo ine Nda ita, ni do ita na inwi.” Izwo zwi songo ralo, zwenezwo O vha e Mesia wa khole-khole; O vha e si ene—ene Mesia we A vha a tshi tea u vha ene. Fhedzi arali A khwaθhisa nahone a vhulunga pfulufhedziso Yawe, U kha di vha Mudzimu a no Didivhadza kha vhathe. U do tea u ita zwithu zwenezwo zwithihi na zwe A ita. Iyo ndi ndila Yawe ya u ita zwithu. U do tea u Disumbedza ndila ye A ita tshifhingani itsho. Vhaheberu 13:8, Paulo a tshi khou amba na Vhayuda, o ri, “Yesu Kristo ndi a sa shanduki mulovha, ɣamusi, na lini na lini.” Ngauralo-ha, U fanela u fana kha mulayo, u fana kha maanda, u fana kha tshiñwe na tshiñwe tshe A vha e tshone. U fanela u vha a fanaho ɣamusi.

¹⁴³ Nga tshiñwe tshifhinga, ri vhona mishumo ya Mudzimu, ndi a zwi ɬivha uri hu na u hoyo ho ḥanganaho nazwo. Musi ni tshi wana dolara ya mafanedza, naa iyo i amban kha inwi, inwi vhoramabindu? Naa ni do litsha? Naa ni do dzhia tshelede yothe banngani huno na i posela ngomu—ngomu mulamboni ngauri no wana dolara ya mafanedza? Iyo dolara ya mafanedza i amba fhedzi uri hu na dolara ya vhukuma ye iyo ya itwa ngayo. Huno Pentekoste yo dala u edzisela ha ɣamani. Fhedzi zwi amban? Hu na ya vhukuma huñwe fhethu. Ndi muñwe muthu a no khou lingedza u edzisela tshiñwe tshithu tshine muñwe muthu-vho zwa vhukuma a vha natsho. I tou vha thikhithi ya zwiñwa fhedzi. I tou vha fhedzi ya Tshiñwe tshithu tshi re tsha vhukumakuma, murahu ha tshithu, tshime muñwe muthu a khou lingedza u tshi edzisela.

¹⁴⁴ Ngauralo ri a wana, Saxeo u dzhia emere yawe ya mathukhwi. Huno vhañatisani vhawé vha tshi khou tsa nga tshiñaraña, vha tshi khou mu sea. Fhedzi a two ngo ita iñwe phambano-vho. O vha o diimisela tshothe u vhona Yesu. Zwenezwo o vha a tshi do vha na muhumbulo nga Hae.

¹⁴⁵ Riñe ri nga tou wana uvho vhudipfi vhukati hashu, arali ri tshi nga tou diimisela tshothe, uri ri khou yo wanulusa zwine Ili la vha nga hazwo zwe the, arali i Ngoho. “Arali Mudzimu e Mudzimu, Mu shumeleni.” Muporofita Eliya o amba hezwo, ntha ha Thavha ya Karamele. “Arali Mudzimu e Mudzimu, Mu shumeleni. Arali ene Balimu e Mudzimu, mu shumeleni.” Arali Yesu Kristo a sa koni u Diñanzilela u tou fana na zwe A vha e zwone tshifhinga tshothe, zwenezwo Ho ngo vuwa vhafuni.

¹⁴⁶ Arali ri tshi lingedza fhedzi u dzhenisa vhathe nga khumbelo ya saikholodzhi, arali ri tshi nga vha shandukisa

hedzi u bva kha Mumethodisi u ya kha Mubaphuthisi, kana Mubaphuthisi u ya kha Vhapentekostała, naa ndi mini? Ndi dzanda la saikholodzhi. Izwo ndi zwone.

¹⁴⁷ Mudzimu a tshilaho We a sika maṭadulu na lifhasi u kha di vha Musiki onoyo muthihi. U kha di vha, nga mulayo, onoyo Mudzimu muthihi We a vha ene misi yothe. Nne ndo takala ngauri ndo vhona Mudzimu tshivhidzo tshi sa athu mpfara, u divha uri ho vha hu na O raloho.

¹⁴⁸ Ndi vhona u taṭa khani havho, na nyimele dzi dziedzaho, na u gungula. Tshifhinga tshothe zwe vha nga iyo ndila, zwothe. Vho vha vhe na zwenezwo zwithihi, hothe kha Luiwalo.

¹⁴⁹ Fhedzi uyu muthu muṭuku o ḥoda u vhona Yesu, huno o vha o diimisela tshothe u zwi ita. O vha e ramabindu, nahone o vha a tshi ḥoda u ita bindu nga ndila yone. Ngauralo, ene, musi o thoma u diimisela tshothe... Mufumakadzi wawe hayani, a tshi khou rābela, huno thabelo ya Rabeka yo vha i tshi khou mu tevhela. Huno muthu muṭuku o ḥo tea u namela muri. O ḥo tea u gonya nga u ṭavhanya n̄ha ha...

¹⁵⁰ Ndo vha ndi sa khou amba hezwo. Illo ndi liambele la Tshipembe, la "u gonya nga u ṭavhanya." Naa ndi vhangana vha no divha uri "u gonya nga u ṭavhanya muri" ndi mini? Zwe luga, naa ndi vhangana vha vhoiñwi vha Kentucky vha re u mona hafha naho zwe ralo?

¹⁵¹ O ḥo tea u gonya nga u ṭavhanya muri, u ya n̄ha ha muri. Huno ngoyu, o dzula ngei n̄ha zwino murini, a tshi khou phumula mathukhwı kha tshiambaro tshawe tshiswa; a tshi khou ḥomola mafhanza kha magona awe na zwanda, he a gonya muri. Fhedzi a hu londwi zwe zwa itea, o vha o diimisela u vhona Yesu. Huno arali inwi zwa vhukuma...

¹⁵² Mpfeni. Arali zwa vhukuma no diimisela tshothe u Mu vhona, inwi a ni londi tshire na tea u fhira khatsho, tsatsaladzo ndi nngafhani, zwine vhañwe vhatshu vha amba. Inwi ni todou vhona Yesu, ni do ita tshiñwe na tshiñwe uri ni Mu vhone. Ni ḥo lindela tshikhala tshanu. Ni do ita tshiñwe na tshiñwe tshire na tea u ita, u tou itela uri ni swike hune na Mu vhona.

¹⁵³ Vhuleme hazwo ndi, ha uri ḥamus, a vha khou farwa nga dora lwo edanaho. A hu na dora lo edanaho na ndala kha vhatshu. Ndi tenda uri tshivhidzo tshi tea u vha na muñu lwo engedzeaho zwiṭuku u fhira zwine tsha vha zwone.

¹⁵⁴ Muñu u sika ḥora. Muñu u a lunga arali u tshi kwama. "Fhedzi arali muñu wo xeda u lunga hawo, u bva zwino a u tsha vha wavhudī," fhedzi u vha dzangano. Izwo ndi zwone. Fhedzi ni tea u vha na u lunga khawo. U lunga ndi muñu, nungo.

¹⁵⁵ Arali munna a vhona Kristo a tshi tshila kha inwi, zwi ḥo mu ita uri a vhe na dora la u fana na inwi. Zwi ḥo mu ita uri a vhona Yesu kha inwi, zwa mu ita uri a vhona Mudzimu.

¹⁵⁶ Naa vho zwi divha hani uri Mushe o vha e wa Mudzimu? [Tshikhala kha theiphi—Mudz.] Huno vho zwi divha uri Mudzimu o vha e nae.

¹⁵⁷ Zwino ri dzhiela nzhele, vhunga Petro o amba nga Duvha la Pentekoste, nga ha, “Inwi vhanna vha Israele, ndila ine na...” O wana mulandu uyo murafho nga nwambo wa u vhamba Murwa wa Mudzimu. Ha pfi, “Inwi...Yesu wa Nazaretha, Munna we a themendelwa nga Mudzimu vhukati hanu, o khwathisedzwa nga Mudzimu, nga zwiga na zwimangadzo zwe Mudzimu a ita nga Khae; no dzchia Mukololo wa Vhutshilo, nga zwanda zwivhi, na mu vhamba.”

¹⁵⁸ Naa Nikodemo ho ngo bula zwavhuđi vhuđipfi havho hothe? Ho vha hu thompho ya matshilisano ya u vha wa tshiňwe tshithu, yo vha thivhelaho u vhona Yesu. Ho pfi Khae, “Rabi, ri a zwi divha uri Iwe u Mudededzi, a bvaho ha Mudzimu, ngauri a hu na munna we a vha a tshi nga ita izwi zwiga nndani ha musi Mudzimu e nae.” Vho zwi limuwa. Fhedzi nga nthani ha thompho ya matshilisano, vho vha vha tshi shona u zwi tenda.

¹⁵⁹ Vho vha vho tea u vha vho nga munna wa bofu we Yesu a mu fhodza.

Vho ri, “Uyu Munna ndi muitazwivhi.”

¹⁶⁰ A ri, “Ndi tshithu tshi kanukisaho. Vhoinwi, vharangaphanda vha duvha lino, huno a ni divhi hune uyu Munna a bva hone?” Ha pfi, “Uri kana Ene ndi muitazwivhi kana hai, a thi divhi. Fhedzi itshi tshithu tshithihi ndi a tshi divha: he huřwe luthihi nda vha ndi bofu, ndi a kona u vhona zwino.” Izwo ndi zwone. Itsho ndi tshithu tshithihi tshe a sa tshi divhe.

¹⁶¹ Ndi takalela vhuřanzi ha ngoho ha vhanna vha no ima vhukati ha vhathu huno vha ri, “Ndi a zwi divha uri hu na tshiňwe tshithu. Tshiňwe tshithu tsho bvelela kha nne.”

¹⁶² Musi ndi tshi lingeda u amba nga ha khaladzi ya mukhaļadi, “Nne a thi zwine nda ḥoda u vha zwone, kana zwine nda tea u vha zwone, fhedzi naho zwe ralo ndi a zwi divha uri nne a thi zwe nda vha ndi tshi anzela u vha zwone.” Tshiňwe tshithu tsho vha tsho no mu fara.

¹⁶³ Saxeo, o dzula ngei nthā, o vha e kha tshika-de, o dzula ngei nthā. Huno ni a divha...

¹⁶⁴ Nthetsheleseni. Vhanna vha no tenda Mudzimu, vha dzhena dzidziedzini, naho zwe ralo. Vha ita zwithu zwine zwa vhukumakuma zwa vha zwe fhambanaho na u gidima ha lino duvha.

¹⁶⁵ Thetshelesani Mushe. Linwe duvha, e mulisa. Swole lihulwane kha la Egipita, u phulusa vhathu vhawé, huno o kundelwa. Zwenezwo a vha mulisa, lwa miňwaha ya fuňa. Munna wavhuđi wa kale, o dzula fhasi, muthu wavhuđi, e na

mufumakadzi na lushie; Tsipora, Gerisoni. Zwino ri dzhieila nzhele uri, nga murahu ha musi Mudzimu o mu wana, huno a vhona Mudzimu tshiṭakanī tshi swaho, duvha li tevhelaho o vha e na mufumakadzi wawe o dzula kha meila, nwana e khunduni dzawe. Ndebu tshena dza fhufha. Lubāda lwo kombamaho tshandani tshawe, o ranga phanda iyi meila; muya u tshi khou vhudzula. Thoho i re na phanda yawe i tshi penya, duvhani li fhisaho, a tshi khou tsela Egipita.

Munwe muthu o vha a tshi ḍo ri, “Mushe, naa ni khou itani?”

¹⁶⁶ “Nne ndi khou tsela Egipita, u yo langa.” Mudio wa munna muthihi, fhedzi o zwi ita. Ndi ngani? Mudzimu o mu vhudza uri a zwi ite. Izwo ndi ngazwo. Ni a vhona, zwo vphonala—vphonala zwi u ṭangana thoho. He, munna a vha o shavha fhethu, zwino u khou ya henengei murahu.

¹⁶⁷ Iyo ndi ndila ine vhathu vha wanaho Mudzimu, vha diimisela u Mu vhona.

¹⁶⁸ Hafha u a dzula. Nga murahu ha tshifhinganyana, a thoma u elekanya, “Ni a divha, Rabeka o mmbudza uri uyu Munna o vha e Muporofita. Nne izwo ndi a zwi timatima nga maanda. A thi zwi tendi. A thi tendi uri hu na vhaporofita vha ili duvha. Arali zwo vha zwi tshi do ralo, tshifhe wanga o vha a tshi do vha o mmbudza nga hazwo. Tshifhe wanga ndi muñwe wa vhalanda vha Mudzimu, ngauralo o vha a tshi ḍo mmbudza nga hazwo.” Izwo ndi zwavhuḍi.

¹⁶⁹ Fhedzi, ni a vhona, na kathihi vhurereli ho dzudzanyiwaho ha shango a vhu athu vhuya ha ṭanganedza muḍinda a bvaho ha Mudzimu nga tshiñwe tshifhinga, na kathihi a ho ngo ralo. Naa Yesu ho ngo ri khavho, “Inwi Vhafarisei vha mabofu, ni hulunga zwalo zwa vhaporofita, huno ndi vhoiñwi vhe na vha vhea ngomu heneffo. Naa ndi ufhio wa vhaporofita we Khotsi a rumu, we vhoiñwi na sa mu vhulahe nahone na mu dženisa tshaloni, ngauri o sumbedza-ha u ḍa ha O Lugaho?” Ni a vhona?

¹⁷⁰ Heneffo, zwenezwo, ri wana, ngoyu, o dzula ngei n̄tha. Ni a divha uri mini? Ndi a fhulufhela uri ili litambwa a li pfali li tshi seisa, fhedzi nne ndi khou yo elekanya uri o ri, “Zwino, imani lwa muniti, arali uyo Muthu zwi tshi nga itea a mmbona ndo dzula afha n̄tha kha ili davhi!” Huno a dzula fhasi he matavhi mavhili a buđekana. Huno o vha o dzula heneffo, a tshi khou dovha u elekanya nga hazwo.

¹⁷¹ Afho ndi fhethu havhuḍi ha u dzula, hune ndila dzanu na ndila dza Mudzimu dza ṭangana. Afho ndi fhethu havhuḍi ha u dovha na elekanya nga hazwo. Huno ndi a fhulufhela uri muthu muñwe na muñwe ngomu hafha, ane na kathihi a sa athu ṭangana Nae, nahone ni tshi zwi divha zwa vhukuma zwauri no bebwā hafhu nga Muya wa Mudzimu, zwauri no

dzula kha iilo davhi madekwana a ñamusi. Fhedzi, inwi vhoramabindu, ndi fhulufhela uri no dzula hune ra khou lingedza u ri Saxeo o dzula, n̄tha muhuyuni, u re na matavhi he ndila mbili dza ḥangana, yañu na ya Mudzimu.

¹⁷² Huno a ri, “Ni a ðivha zwine nda tenda uri ndi do ita? Ndi do tou kokodzela ngomu aya mañari hafha huno nda ðidzumba.” A diputela tshothe. A ðisiela fasiñere l̄ithihi l̄ituku uri a kone u sedza ngalo, ni a ðivha, òari l̄ithihi, o kona u li kokodzela phasi, huno a ri, “Ndi ðo Mu vhona musi A tshi ða, fhedzi na kathihi A nga si mmbone. A nga si zwi ðivhe na kathihi uri n̄ne ndi hafha n̄tha.”

¹⁷³ Ngauralo musi o dzula benefho, nga murahu ha tshifhinganyana, a tshi khou elekanya nga hazwo, ha ða phosho i tshi bva khuñani.

¹⁷⁴ Ndi tshithu tshi kanukisaho, fhedzi, huñwe na huñwe hune Mudzimu a vha hone, heneffho hu vhonala hu na phosho khulu. Izwo zwi a kanukisa, fhedzi ndi zwone.

¹⁷⁵ Ni a ðivha, Yesaya, thembeleñi, nga murahu ha lufu lwa Usia, o vha e henengei phasi. Huno a pfa phosho, huno thembele yoþhe yo vha i tshi khou dzinginya. Phuphu dza sudzuluswa mafhethu adzo. Huno ho vha hu na Vharuñwa, Vhaserafe, heneffho, vhanie vha vha Vhakherube, vhafhisie vha tshithavhelo, u ñea vho rembuluwaho ndila ya u ya kha alitari. Avho Vhatu vhahulwane, vha fhiraho Vharuñwa, vhe na phapha Dzavho kha zwifhauwo Zwavho, na phapha kha milenzhe Yavho, nahone vha tshi fhufha nga phapha mbili, vha tshi vhidzelela, “Mukhethwa, mukhethwa, mukhethwa, ndi Murena Mudzimu Ramaandaothe.”

¹⁷⁶ Arali Muruñwa a tshi fukedza tshifhauwo Tshawe tshikhethwa, u ḥangana na Mudzimu, naa ri khou yo dzhia hani ndaela huno ra fukedza zwashu ngayo? Ri tshi khou yo dzhia Malofha a Yesu Kristo uri a ri fukedze, zwenezwo ri vharwa. Hu si fesheni ya *itshi*, kana fesheni ya *itsho*, fhedzi Malofha. Mudzimu tshifhinga tshoþhe... Fhethu Hawe fhedzi ha u ḥangana na muthu u itela vhutama ndi phasi ha Malofha o shuluwaho, hune kutshili kwa Vhutshilo...

¹⁷⁷ Kha tshithavhelo tsha kale phasi ha mu—mulayo wa Mushe, vho disa phukha. Huno musi vho kwasha sele ya malofha ya iyi phukha, ngwana, murabeli o luvha. Fhedzi vhutshilo he ha vha vhu kha phukha ho kundelwa u vhuya murahu kha murabeli, ngauri ho vha hu vhutshilo ha phukha i si na maya. Huno a ho ngo kona u vhuya murahu kha murabeli. Ngauralo-ha hone ho vha hu tshi tou vha mu—mukumba. Ho vha hu tshi tou vha fhethu hune ha ðo dzula hu hone u swika tshinwe tshifhinga.

¹⁷⁸ Fhedzi zwenezwo musi lutsinga lwa Imanuele lwo vundiwa, Yesu o vha e si Muyuda kana Wannda. Ni a vhona? Mbeu ya tshinnani i bvisa kutshili nga kha hemoglobini, huno sele ya malofha i bva tshinnani. Ya tthisadzini...

¹⁷⁹ Huno inwi vhathu vha Katolika, hu si u sa tendelana na vhoinwi, fhedzi na mu vhidza, “Maria, mme a Mudzimu,” naa Mudzimu a nga vha hani na mme? O vha e tshialameli.

Inwi ni ri, “Zwo ralo, gu—gumba li bva kha musadzi.”

¹⁸⁰ Fhedzi gumba a lo ngo bva kha Maria. Arali gumba li tshi bva kha Maria, zwenezwo ho do tea u vha na u nyanyuwa. Sedzani hune na vhea Mudzimu. Mudzimu o sika gumba na sele ya malofha.

¹⁸¹ O vha e si Muyuda kana Wannda. O vha e Mudzimu, hu si na tsha fhasi ha hezwo. O vha e Mudzimu, o vhonadzwaho namani. Naa Ho ngo ri, ro vhalala Mañwaloni, uri, “Mudzimu o vha e kha Kristo, a tshi pfumedzanya shango na Ene muñe”? O vha e Imanuele. O ri, “Kha Nñe, a . . .”

¹⁸² O amba kha Mañwalo hafha, kha ndi ri, “Naa ndi nnyi ane a nga Nthovhedza tshivhi? Naa Ndo kundelwafhi u ita kokotolo zwe zwa ñwaliwa malugana na Nñe? Fhendani Mañwalo. Inwi ni elekanya uri ni na Vhutshilo Vhu Sa Fheli, nga u A fhenda, huno Ndi One ane a tanziela nga ha Nñe. Huno arali Ndi sa iti mishumo ya Khotsi Anga, zwenezwo ni songo Ntenda. Fhedzi arali Ndi tshi ita mishumo, naho ni sa koni u Ntenda, tendani mishumo ine Nda ita, ngauri i tanziela uri Ndi Nnyi.”

¹⁸³ Oo, tshire Mukriste a tahelelwa nga maanda ngatsho ñamus, tsha pfanelo ye Mudzimu a mu nea yone, na ya zwithu Bivhilini! Nga ndila ye nda vha ndi tshi do takalela u dzhia liñwalwa li bvaho heneffo! Tshifhinga tshi nga si zwi tendele.

¹⁸⁴ A pfa phosho. A vuwa. A ri, “Zwo ralo, avho vha fanela u vha vhe avho vhavhumbuluwi-vhakhethwa vha no khouda.” A wisela ñari fhasi, a lindela lwa muniti. Nga murahu ha tshifhinganyana, a dzhiebla nzhele, vha tshi da khudani.

¹⁸⁵ Hu fanela u vha ho vha hu na muthu muhulwane, o khwathaho nn̄da nga phanda. Ndi kona u mu vthona, a no nga muthu a no nga o lapfa, muhulu, wa mahada a re tswititi, wa miñwaha i todaho u vha ya furathiñhanu, a tshi khou ditshimbilela e na lubada tshanđani tshawe. Uyo u fanela u vha o vha e uyo ane ra mu vhidza, A mu vhidza, “Simoni,” huno a mu nea liñwe dzina la Petro, line la amba “u bula,” kana “tombo lituku.”

¹⁸⁶ Murahu, vhanna vha fumbili vho Mu tingeledza. Vhathu vha tshi khou gidimela nn̄da, u kwama ene—ene Rabi musi A tshi fhira. Ndi kona u vha pfa vha tshi ri, “Ni songo kwama Rabi. O vha o neta. O rera vhusiku hothe. Maanda o bva Khae. U na manzaranzara, a bvaho kha u amba. Ni songo kwama Muñe washu. U fanela u tsela fhasi zwino. U fanela u vha na tshiswiñulo Tshawe. Ndi tshifhinga tsha uri Ene a le. Huno ndi a humbeli ni songo Mu kwama. Imelani thungo, ni do ralo, ndi a humbeli, huno ni tendele Rabi u fhira.”

¹⁸⁷ Hafha U a ima. Huno musi Saxeо, ramabindu washu mułuku wa Yeriko, musi a tshi sedza Yesu lwa u thoma, O vhonala o fhambana na muñwe munna-vho we a vhuya a mu vhona.

¹⁸⁸ Kha ri dzenise tshilongwa tshiłuku hafha. Mufumakadzi a nga di vha o ya nnđa e na lushie lułuku. Saxeо u sedza nga hangeno thungo *iyi*, u vhona uri ndi nnyi. “Oo, ndi elelwa musi dokotela o vha e nduni nga liñwe duvha. Ndo vha ndo ima heneffo musi tshifhe o vha o ima heneffo, na ene. Dokotela u ri, ‘Nwana a nga si tshire. Mu dzeniseni lufherani huno ni vale mahothi othe. Ni songo tendela muya.’ Huno hafha uyo muta wa vhusweleli ho kalulaho wo pfa nga ha uyu Munna wa khole-khole, u Divhidza Muporofita wa Galilea. A tshi da engeno nthia, huno a tshi disa ulwo lushie, mulandu, uyu, mulayo wa muđi u tea u Mu fara. Ndi do zwi vhona hezwo, musi ri tshi tangana, na bodo. Ri do wanulusa arali munna, a no do tevhela wa vhusweleli ho kalulaho ha tshiñwe tshithu tsha u ralo, o kundelwa u londiwa. Thalukanyoni yawe a hu tsha shuma.”

¹⁸⁹ Huno ndi vhona munna a tshi gidimela nnđa huno a ri, “Ndi na riwana a no khou fa hafha, muñe wanga. Naa ni do tendela Muporofita a tshi mu kwama? Ndi tenda uri Ene ndi Muporofita wa Mudzimu. Ndo no Mu vhona kha miñwe miñangano, huno ndo no pfa nga Hae, nahone ndi a divha.”

“Hai. Nñe ndo khakha. Hu na vhanzhi nga maanđa.”

¹⁹⁰ Fhedzi, nga murahu ha tshifhinganyana, musadzi mułuku u a bva, o takula lushie, huno lushie a lu na vhutshilo. “Itonu Mu tendela u lu kwama. Izwo ndi zwone fhedzi zwine nda ḥoda. Ndi a Mu tenda. Ndi a tenda, arali A tshi do kwama lushie lwanga!”

¹⁹¹ “Rine ri nga si tou kona u zwi ita, mufumakadzi.” Ene u wana ndila ya u bva khavho, u swika zwino, u ima ḥirekheni Dzawe.

Huno zwenezwo ndi kona u vhona Saxeо a tshi kokodzela tari ḥawie murahu huno a sedza.

Ha pfi, “Disani lushie ngeno.”

¹⁹² Musi vha tshi disa lushie heneffo, lu tshi tou vha muvhili mułuku, lu tshi bva tshitimu, hu tshi fhisa nga maanda. Vha kokodzela murahu zwifukedzi. A vhea minwe Yawe khalwo. Mme vho ima heneffo, na mađo avho a lunako, a Tshiyuda. Miđodzi i tshi khou elela maramani avho. Huno khotsi vho ima heneffo, na zwanda zwavho zwi tuyani, vha tshi khou tenda. Huno U vhea munwe Wawe kha lushie, huno mufhiso wa ḥawa. Muthu mułuku a fhufha zwandani zwa mme huno a tsela phasi tshiñarađani.

¹⁹³ Saxeо a shandukisa muhumbulo wawe. “Hu fanela hu na tshiñwe tshithu tsha vhukuma nga ha uyu Munna. Fhedzi, ndi khwine ndi tshi vha na vhusedzi. Ndi khwine ndi tshi litsha tari ḥanga phasi, uri A si mmbone. U khou da nga iyi ndila.”

¹⁹⁴ Inwi na kathihi ni nga si kone u sedza Yesu Kristo nga ngoho huno na sala ni a fanaho. Hu na tshiñwe tshithu nga Hae tsho fhambanaho na vhañwe vhanna vhothe. Musi ni tshi swika hune na Mu pfa a tshi amba, ni do nga maswole a Vharoma, “Na kathihi a hu na munna o ambaho ngaurali.”

¹⁹⁵ Vhotshifhe vho amba nga ha tshiñwe tshithu. Muthu u kha di vha na mvelo i fanaho. Riñe ri nayo ñamusi. Muthu tshifhinga tshothe u renda Mudzimu kha zwe A ita, huno a sedza phanda kha zwine A do ita, huno a tshi dihangwisa zwine A khou ita. Iyo i tou vha mvelo ya muthu. Tshifhinga tshothe yo vha mvelo yeneyo.

¹⁹⁶ Fhedzi muthu we a sedza luthihi, Yesu Kristo, na kathihi a nga si vhe a fanaho, a kona u Mu vhona a tshi vhonadzwa.

¹⁹⁷ Itsho ndi tshone tshiiitis, musi no swaiwa nga Muya Mukhethwa, luswayo lu kha masia othe a bammbiri, a tshi khou da nahone a tshi khou tuwa. Vha kona u vhona u tshimbila, nyambo, Vhutshilo ha Kristo vhu tshi vhonisa kha uyo, kha vhatu Vhawe. Iyo yo vha i ndivho Yawe ya lufu, uri Tshivhidzo tshi kone u isa phanda na mushumo Wawe. Fhedzi riñe ro no vhumbana kha dzanda la tshiñwe na tshiñwe.

¹⁹⁸ Zwino ri dzhiela nzhele, musi O thoma u tuwa, a tshi tshimbila tshiñaratani. Saxeо u takulela tarì lawe nthà zwiñuku, u ñoda u sedza zwavhuđi vhukuma Khae musi A tshi fhira. Zwino o fukedzea hothe, o ñidzumba zwavhuđi vhukuma. Huno nga murahu ha tshifhinganyana, u tea u takuwa nga ndila iyí, u sedza. Yesu o vha a tshi khou da heneffho fhasi hawe.

¹⁹⁹ Zwenezwo A tshi fhira, Yesu a ima, a sedza nthà, a ri, “Saxeо, ita nga u ñavhanya. Tsela fhasi u tshi bva murini. Nne ndi khou ya hayani na iwe u itela tshiswiñulo ñamusi.” Ndi phambano-de nandi! O zwi ñivha uri O vha e Muporofita we Murena Mudzimu a mu vusa. Ho ngo ñivha fhedzi uri o vha e murini, fhedzi o ñivha zwe dzina lawe la vha li zwone.

²⁰⁰ Bivhili yo ri, “Ipfi la Mudzimu li na vhuhalu u fhira bangla mutsheahothet, li a phulekanya u swika na kha, mwongo wa shambo, huno ndi Muñalukanyi wa mihibulo na zwine mbilu ya fhima zwone.” “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ñama huno a dzula vhukati havho. Huno ra Mu vhona, o Bebwaho fhedzi nga Khotsi.”

²⁰¹ Heneffho O vha e hone, Ipfi la Mudzimu, o vhonadzwaho kha Saxeо. Fhasi a tshi bva murini u a ña, nga u ñavhanya, u shanduka.

²⁰² Saxeо, ramabindu fhano madekwana a ñamusi, elelwani, ni nga si kone u dzumbama fhasi ha mañari a muhuyu. U ñivha kokotolo he na dzula. U a ni ñivha. U a ñivha uri ni nnyi. U a ñivha dzina ñanu. U a ñivha uri ndi ngani ni fhano. U a ñivha zweþhe nga hazwo. Izwo ndi zwone.

²⁰³ Huno rine vhe ra tangana Nae, huno ra Mu divha, huno ra vha vhafunziwa Vhawe, ri a divha zwine A vha zwone na zwine A itela vhathu. Ri a divha uri U dzula e a sa shandukiho.

²⁰⁴ Saxeо u tsela phasi, nga kuhumbulele kwa u shanduka. A ri, “Arali... Murena, arali ndo fhura muñwe munna-vho, ndi do zwi badela murahu. Ndi do dzhia tshelede yanga; ndi do ñea vhashai.” Ni a vhona, o no di wana iyo Perela ya mutengo muhulwane. O no wana tshiñwe tshithu tshe tsha vha tshi tsho engedzeaho u fhira bindu lawe. O no wana tshiñwe tshithu, itsho Tshiñwe tshithu.

²⁰⁵ Huno vhathu vhothe vha lingedza u kona tshiñwe tshithu. Fhedzi arali na xelew̄a nga Vhutshilo Vhu Sa Pheli, naa vhukoni hanu hothe ho ni itelani? Lupfumo luhulwane lune muthu a nga kona u lu wana ndi u wana mbofhollowo.

²⁰⁶ Vhunga ndo amba, kha Testamente Ndala, musi sele ya malofha i tshi kwashiwa i tshi bva kha ngwana, a yo ngo kona u vhuya murahu kha murabeli, ngauralo-ha o bva e na lutamo lu fanaho lwa u tshinya. Fhedzi kha iyi tsumbo, musi, nga lutendo ri tshi vhea zwanda zwashu kha sele ya Malofha ye ya kwashiwa ngei Khalivari; hu si ya Muyuda, nahone yo vha i si sele ya malofha ya Wannda. Ho vha hu Malofha a Mudzimu, huno musi uvho Vhutshilo vhune ha bva heneffo vhu tshi disa murahu Vhutshilo ha Mudzimu kha rine, vhune ha vha Vhutshilo Vhu Sa Pheli. Ipfī la Tshigerika heneffo li a shumiswa, Zoe, li no amba, “Vhutshilo Ha Mudzimu,” nahone Vhutshilo honoho he ha vha vhu kha Kristo, we a vha e Mudzimu.

²⁰⁷ Muvhili wo vha u Muthu, a hu na zwiñwe. Fhedzi Mudzimu, Musiki, We a ita munna wa u thoma! Naa o bva e ngafhi arali A songo mu ita? Mudzimu, Musiki, hu si na thuso ya tshiñwe tshithu, o sika Adamu. Mudzimu, Musiki, o ita Muthu, Kristo Yesu, Murwa Wawe, mbumbeloni ya Maria. Huno O vha e Imanuele. Huno musi tshivhi . . .

²⁰⁸ Hu si ngauri O do tea u fa; O vhu vhea phasi. Fhedzi ngauri tshivhi tsho kwama, pfumo le la kwasha mbilu Yawe, zwenezwo tshiñwe tshithu tsha itea. Vhutshilo vhu vhuya murahu kha murabeli. Huno itsho ndi mini? “Zwenezwo a ri tshe na luvalo lwa tshivhi,” hu amba muñwali wa Tshihewheru. “Lutamo lwa tshivhi lwo t̄uwa.” Zwenezwo, zwino ro vhofholowa.

²⁰⁹ Saxeо; musi vha tshi vhona Yesu a tshi gonya Golgotha, u vhambiwā.

²¹⁰ A hu na u timatima nga nn̄da ha uri diabolo tshifhinga tshothe o Mu timatima. Diabolo o Mu timatima musi a tshi Mu vhona lwa u thoma, musi A tshi dzhena sogani, nga murahu ha musi Muya Mukhethwa wo no da Khae. O ri, “Arali Iwe u Murwa wa Mudzimu, ri sumbedze dembe. Shandukisa aya matombo a vhe tshinnkwa.” Uyo diabolo ha athu fa. “Ntsumbedze dembe.”

Yesu a ri, “Zwo ñwaliwa, uri, ‘Muthu ha nga tshili nga tshinnkwā fhedzi.’”

²¹¹ Musi vha tshi Mu fara nga hangei dzharañani, tshigwada tsha diabolo, ayo maswole a Vharoma, vha vhofha zwanda Zwawe murahu Hawe, huno zwenezwo a Mu rwa kha muñana nga ñhangā na tshimange-tsha-mitshila-ya-ñahe, u swika u khunyeledzwani ha vhuporofita ha vhaporofita. “Ngauri O rungelwa zwivhi zwashu, o kwashékanyelwa vhutshinyi hashu, ñhamu ya mulalo washu yo vha i Khae, huno nga ntho Dzawe ro fhodzwa.” Huno musi O vha o kotamela . . .

²¹² Huno maswole a vhofhelela dzadza ñöhoni Yawe, huno vha Mu rwa kha ñöhöngana lüñanga. Huno vha fhiriselana lwone, huno ha pfi, “Arali Iwe u Muporofita, ri vhudze we a U rwa. Ri ño U tenda.” Uho u holedzwa, na mare a vhudakwa a maswole kha tshifhañuwo Tshawe!

²¹³ Diabolo a ri, “Uyo a nga si vhe Mudzimu. Uyo a nga si vhuye a vha muporofita. Ndi mufhuri.” A sa zwi ñivhi uri Mañwalo a fanela u khunyelela.

²¹⁴ Zwenezwo musi ri tshi Mu vhona a tshi ya Khalívari, Mu sedzeni. Ndi ñoda avha vhathetshelesi vha tshi wana bono Lawe. Kha ri humele murahu, miñwaha ya gididatähé yo fhiraho, lwa tshikhathinyana, huno ni nthetshelesé. Hu na swiswi Yerusalem. Ndi ngani? Zwithavhelo zwi khou haniwa nga Jehovah. Tshinwe tshithu tshi khou ñodou bvelela. Musi malofha a tshi khou fhiswa kha alitari, Mudzimu o a hana. Tshithavhelo tsha vhukuma tshi khou tshimbila nga tshitarata. Ndi kona u pfa u kuða ha tshinwe tshithu. Hu tshi sedzwa phasi, heneffo hu tshimbila itsho tshifhambano tsha kale tshi hwasaho, phasi ha tshigwevho tsha lufu tsha Vharoma, tsha Muthu we a sa ite tshithu.

²¹⁵ Huno ndi kona u vhona musadzi muñuku a tshi gidimela nn̄da nga phanda, huno a ri, “Naa O itani nga nn̄da ha u fhodza vhalwadze vhañu na u vusa vhafu?”

²¹⁶ Muñwe muthu a mu mapha tshifhañuwoni, huno a ri, “Naa no vha ni tshi ño tenda uyo musadzi ni sa athu tenda tshifhe wañu? Kha ye kule Muthu o ralohol!”

²¹⁷ Sedzani dzhasi Lawe. Hu na zwithomathoma zwitswuku khañu, nga murahu. Musi A tshi khou ya phanda muvhunduni, izwo zwithomathoma zwi vha zwiñulu nahone zwa vha zwiñulu. Nga murahu ha tshifhinganyana, zwothe zwa gidimela ngomu ha tshithihi. Hu na tshinwe tshithu tshi no khou Mu hasha. Naa ndi mini? Ndi Malofha Awe. Huno tshifhambano tshi khou kokovha kha khandiso ya minwe ya milenzhe ya Muhwali.

²¹⁸ Ndi kona u vhona iyo ñotshi ya lufu i tshi ña afho n̄ha, i tshi ñona u mona Nae. “Ndi ño Mu wana zwino. Arali O

vha e muporofita, O vha a tshi ḋo vha—O vha a tshi ḋo vha o ita tshinwe tshithu henengei fhasi musi vha tshi pfela mare tshifhatuwoni Tshawe. O vha e muporofita, O kundelwa u ita zwine A khou ita zwino. Ndi a zwi ḋivha uri ndi ḋo Mu wana.”

²¹⁹ Ni a ḋivha, ḋotshi inwe na inwe, tshikhokhonono tshinwe na tshinwe, tshi na luvholela khatsho, huno ulwo luvholela ndi tshithu tshivhi.

²²⁰ Huno lufu lu na luvholela khalwo. Fhedzi Mudzimu o ḋo tea u itwa ḋama. Lwo kona u luma muporofita nahone lwa mu fara. Lwo kona u luma munna o lugaho nahone lwa mu fara. Lwo luma Dafita huno lwa mu fara. Fhedzi ngoyu Mudzimu, huno ene ha zwi ḋivhi. Iyi ḋotshi i bva vhudzulavhafu, i ḋona u mona Nae. “Ndi ḋo Mu wana.”

²²¹ Fhedzi musi ḋotshi i tshi vhuya ya thavha nga luvholela lwayo u tsa fhasi lwo edanaho, i kokodzela luvholela lwayo nn̄da hawe.

²²² Huno musi iyo ḋotshi ya lufu i tshi kona u thavha nga luvholela lwayo kha muthu a no nga n̄ne kana inwi, yo vha i tshi nga isa phanda nazwo. Fhedzi ho vha na mu—muvhili wo lugiswaho; fhedzi musi i tshi thavha nga ulwo luvholela kha Jehovah, ḋama ya Mudzimu, yo sikwaho, hu si lūwe lutamo lwa vhudzekani. Musi yo thavha kha iyo ḋama, yo xedza luvholela lwayo. Zwenezwo, a i tsha vha na luvholela.

²²³ A zwi mangadzi uyo Paulo Mukhethwa muhulwane o kona u ima, musi vho vha vha tshi khou fhaṭa fhethu heneffo ha u tumula thoho yawe ngaho. O ri, “Oo lufu, naa luvholela lwayo lu ngafhi? Tshalo, naa gundo ḋau li ngafhi? Fhedzi ndivhuwo kha dzi ye kha Mudzimu, A no ri ḋea gundo nga Murena Yesu Kristo washu.” Ee.

²²⁴ Oo, musi muthu a tshi kona u vhona izwo luthihi, tshinwe na tshinwe-vho ndi tsha vhuvhili. Bindu lanu ndi ḋa vhuvhili, tshinwe na tshinwe-vho. Hai, a zwi na thaidzo lwo kalulaho. Ni tou tea fhedzi u dzula hafha lwa tshifhinga tshipfufhi, fhedzi Uvho ndi ha u thoma. “Naa zwi ḋo farisani muthu arali a tshi xelew... a fuwa shango loṭhe, huno a xelew nga muya wawe?”

²²⁵ Saxe! Oo, Saxe! Khamusi a si Rabeka ngei hayani, a no khou rabela, fhedzi khamusi mme o no di fhirelaho seli ha lupila. Thabelo dzawe dzi kha di vha kha alitari ya Mudzimu. Arali izwo zwo ralo, Saxe, ibva murahu ha ayo matari a muhuyu madekwana a namusi: iyo khare ya iyo ndaela ya dinomineisheni ye na farelela khayo, hu si na Mbebo Ntswa; itshe tshinwe tshithu tshe na tshi farelela, nahone na kathihi a no ngo vha na vhuriwe vhuṭanzi-vho ha uri Mudzimu o vha e khatsho. U ḋivha heneffo he na dzula hone. Ndi ngani ni sa zwi iti?

Kha ri kotamise zwifhaṭuwo zwashu lwa tshikhathinyana.

²²⁶ Mudzimu Ramaandaøthe, Jehovah muhulwane nahone a shavhisaho We a vhomba Thavhani ya Sinai, nahone u swika vhathu vha tshi ri, “I ri Mushe a ambe huno hu si Mudzimu, kana ri a fa.” Amba madekwana a ñamusi, Khotsi ashu wa Taðulu, nga khathutshelo na khangwelo, ngomu mbiluni dza vhathu vha sa U ðivhi. Huno i ri vha ðivhe uri itshi ndi tshone tshifhinga. Avho, khamusi vho dzumbama murahu ha bindu lavho. Hu nga ði vha hu na vhoramabindu vhanzhi fhano, Khotsi, vhane—vhane vha sa U ðivhe zwa vhukuma. Khamusi ndi vha tshivhidzo, huno a ri ambi tshithu tshivhi tsha u lwa na hezwo. Fhedzi na kathihi a vho ngo bebwu hafhu. A vha ðivhi zwa vhukuma zwine ha vha zwone.

²²⁷ Huno ri a zwi ðivha uri a hu na i na nthihi kana kuswayo kuthihi kune kwa ðo vhuya kwa lovha kha Ipfi Lau. Wo amba, “Mañadulu na ñifhasi zwi ðo lovha, fhedzi Ipfi Ñanga a li nga ðo ralo.” Huno Wo ri, “Nndani ha musi muthu a tshi bebwu hafhu, nga maði na Muya, a nga si dzhene ngomu Muvhusoni.” Ndi a rabela, Khotsi, uri U ðo amba na dzimbi lu madekwana a ñamusi nga tshifhinga tshenetshi. I ri vhanna na vhasadzi vha elekanye vho dzivhuluwa, nga tshikhathi tshenetshi, ri tshi zwi ðivha uri ri khou tshila awarani dza u vala.

²²⁸ Israele i shangohaya ñayo, khalenda khulwane ya Mudzimu. I khou vhuyeleta murahu, yo sedzâ, “Naa Mesia u ngafhi?”

²²⁹ Rine ri a zwi ðivha zwauri musi Yosefa a tshi ðidivhadza kha vhakomana vhawé, uri o balanganya Vhannda kha dzikhothe. Mufumakadzi wawe na vhana vho vha vhe pfamoni. Hu fanela u vha na u ñuwisa ha Wannda, uri Israele i kone u ðivhadziwa. Zwenezwo hu ðo ða tshifhinga tsha u ongolela na u zhamba na u lila, “Naa Wo wanafhi ayo mavhadzi?”

²³⁰ A ri, “Zwandani zwa khonani Yanga. Ndo wana aya mavhadzi tshandani Tshanga kha khonani Dzanga,” nñuni ye zwa vhukuma A vha a tshi tea u ñanganedzwa, musi A tshi ðidivhadza kha Israele hafhu.

²³¹ Mudzimu, musi Vhannda vhe na tshikhala, ngavhe vha tshi shanduka nga u ñavhanya huno vha ða kha Iwe.

²³² Musi ro kotamisa zwifhañuwo zwashu, Saxeо, ndi ñoda inwi ni tshi fhulufhedzea zwa vhukuma lwa tshikhathinyana, na Vhorabeka, na vho inwi-vho. Nga uyu Mulaedza muñuku wo vundeaho, arali ho vha na tshiñwe tshithu tsho ambaho na mbilu yañu huno tsha ri, “Na kathihi a thi athu ñanganedza tshenzhemo ya—ya Muya Mukhethwa, Mafhungo-maðifha o ñalah, fhedzi ndi ñodou vha nao. Ndi ñoda inwi ni tshi nnyeelwa thabeloni, Mukomana Branham. Nne ndi khou yo imisa fhedzi tshanda tshanga, hu si kha inwi, fhedzi kha Mudzimu.” Huno na ri, “Nthabeleleni.” Huno ndi ðo fhedza thabelo, ndi tshi khou ni elelwa. Mudzimu a ni fhañutshedze. Mudzimu a ni fhañutshedze, inwi, inwi, inwi, zwanda zwa dzidazeni.

²³³ Inwi ni ri, “Naa izwo zwi a ita vhudi, Mukomana Branham?” Zwa vhukuma. “Ndi ngani zwe ralo?”

²³⁴ Ni a vhona, saints i ni vhudza uri ni nga si kone u imisa tshanda tshañu, zwa vhukuma. Ngauri, mulandu? Vhuhohi ha liphasi vhu do fara tshanda tshañu fhasi. Fhedzi ni na maya wa vhutshilo kha inwi. Huno uvho vhutshilo vhu re kha inwi, vhuñwe Vhutshilo ho ḫa khaho huno ha ri, “No khakha.”

²³⁵ Huno no vunda milayo ya saints, huno na imisela itsho tshanda kha Musiki, huno na ri, “Nnyeelwe.” U do ralo. Arali inwi izwo ni tshi khou zwi amba zwa vhukuma, Ú do ni dzhia u ya nga ipfi ḥanu. Mudzimu a ni fhañutshedze heneñho murahu. Muñwe muthu-vho zwino ri sa athu vala? Ndi khou tou yo amba ipfi lñuku ḫa thabelo, u rabela nga tshikhathinyana fhedzi. Mudzimu a ni fhañutshedze, muñe wanga. Mudzimu a ni fhañutshedze. Muñwe muthu-vho?

²³⁶ [Khaladzi tshivhidzoni u redza mañwe Maiwalo—Mudz.] Amene. Wa dzikhathutshelo, uyu mulanda wa musadzi muñuku a no khou takuwa e fhasi ha Muya, a tshi khou amba pfulufhedziso.

²³⁷ Naa ni—naa ni do imisa tshanda tshañu arali ni songo zwi ita? Huno na ri, “Fhedzi...” Ndi zwenezwo fhedzi zwine nda khou yo ni humbelu u ita. Itonu imisa tshanda tshañu, qilimuwensi no khakha, huno ni ḫoda khathutshelo. Nndu yo vulwa. “Hu na Tshisima nñuni ya Dafita, tsho vulelwaho tshivhi na u sa kuna.” Naa ni do tshi ḫanganedza madekwana a ñamusi, muñwe muthu-vho, ri sa athu vala zwino? Ho vha hu zwanda zwa fuñña, zwa fuñhanu zwo yaho nñha ngomu tshifhañoni, zwa vhanna na vhasadzi, vhaswa na vha kale, vho imisa zwanda zwavho. Zwo luga. Mudzimu a ni fhañutshedze, muñe wanga. Zwo luga.

Kha ri rabele.

²³⁸ Murena Yesu, ndi tenda uri izwi zwanda zwo imiswa nga u fulufhedzea ha ngoho-ngoho. U ñivha tshipikwa tshavho. U ñivha tshiñtuwedzi tshavho tsha u ita nga u ralo. Huno ndi a rabela, Khotsi wa Tañulu, uri khathutshelo yo Khetheaho Yau i vhe kha muñwe na muñwe wavho. Ngavhe madekwana a ñamusi a tshi vha tshifhinga tsha u shanduka. Ngavhe vha tshi suvhela fhasi vha bva kha muri wa Vhufarisei ha tshitaila tshaho. Ngavhe vha tshi suvhela fhasi vha bva kha muri, phanda ha Yesu Kristo, huno vha ri, “Murena, arali ndo khakha, nñe ndi a funa u zwi lugisa.” Huno u bva kha ulu lufhera luñuku lwa tshimima madekwana a ñamusi, Khotsi, U do ya hayani navho, na vhone-vho, huno wa swiñula navho, huno misi yoñhe wa vha navho kha vhutshilo na Vhutshilo-tshoñhe hoñhe. Naa U nga si tendele izwi, musi ndi tshi ñekedza thabelo yanga kha Iwe vhudzuloni havho?

²³⁹ Iwe wo ri, “A hu na muthu ane a nga da kha Nne nndani ha musi Khotsi Anga a tshi mu kokodza u thoma. Huno vhothe vhe Khotsi a Nnea vhone vha do da kha Nne.” Wo zwi fulufhedzisa izwo.

²⁴⁰ Huno zwino, Murena Mudzimu, avha vha nekedzwa sa khaphu dza khathutshelo na lufuno. Vha zwandani Zwau, huno a hu na muthu ane a nga vha bvisa. Nga u fulufhedzea hu fhulufhedzeaho mbiluni dzavho, u bula hu fhulufhedzeaho he vha ita, ha uri vha ḥoda u rembuluwa kha ndila dza shango, vha ya kha ndila dza Mudzimu, u itela vhutshilo havho.

²⁴¹ Vha ḥanganedze, Oo Murena, ndi a humbelia, musi ndi tshi vha rabelela, ndo ima phanda ha Khuluṇoni Tshena Yau khulwane. Nga lutendo ri ima henefho, ro sedza kha Khuluṇoni ya ivori ya Mudzimu, Tshithavhelo tsha Malofha tshi henefho phanda hashu, ri tshi rabelela vhařwe ri kha u pika hashu. Vha farise, Khotsi. Ndi vha nekedza kha Iwe sa zwifhiwa zwa lufuno, nga Dzina la Yesu Kristo. Amene. Amene.

²⁴² Zwino, muňwe na muňwe wa vhoiñwi we a imisa tshanda tshawe, ndi ḥoda u ni humbelia uri ni nnyitele tshiňwe tshithu. Ndi ḥoda ni tshi tangana na vhaňwe vha avha vhashumeli hafha, huno na vha vhudza uri no ḥanganedza Kristo sa Mutshidzi wanu, huno ni ḥoda u lovhedzwa, nahone ni ḥoda u ḫala Muya Mukhethwa. Huno Mudzimu u do tendela izwo kha inwi.

²⁴³ Zwino, ndo vha ndi tshi khou elekanya nga ha tshiňwe tshithu-vho, fhedzi a ri nga vhi na tshifhinga, ngauri tshi—tshi ḥodou vha miniti mičanu ya tshifhinga tshine ra tea u vala fhethu, fhedzi ri—ri takalela vhusifhelembilu haču.

²⁴⁴ Huno zwanda zwaču zweithe zwo yaho n̄ha, zwino, a tho ngo divha fhedzi he zwa vha zwi hone, huňwe na huňwe fhedzi. Fhedzi musi no imisa tshanda tshaču, nga ngoho inwi no amba zwenezwo. No vha ni si nga imisi tshanda tshaču hu tshi sokou vha u zwi ita. Arali no ita, izwo ndi u hoyo. Imisani tshanda tshaču. Na kathihi ni songo ita tshithu nndani ha musi ni tshi khou tshi ita nga u fulufhedzea zwa vhukuma. Nahone musi ni tshi dzhia iyo tsheo, huno phasi mbiluni yanu ni tshi amba uri no ralo, zwenezwo tshimbilani nga u fulufhedzea nayo. Mudzimu u do ni hulisa.

²⁴⁵ Ni ri, zwiča, naa no vhuya na zwi divha uri ho bvelelani kha Saxeо? Naa ni do ḥodou divha zwe zwa bvelela khae? O vha murado wa Nyandano ya Vhanna vha Bindu vha Mafhungo-madifha O Dalaho ya Yeriko. Naa inwi a ni ḥodi u vha murado, na inwi-vho?



SAXEO, RAMABINDU TSV63-0121
(Zacchaeus, The Businessman)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Musumbuluwo, Phando 21, 1963, tshimimani tsha Dzitshaka tsha Vhuṭama ha Vhanna vha Bindu ha Mafhungo-madifha O Ḳalaho ngei Ramada Nḍuni ya Vhaendi kha ja Tucson, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufuhifhadzwa nga Tshiisimane. Heyi ḥalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org